




增補元明史略
二

リ 8
5855
2



門 78
號 5855
卷 2

增補元明史略卷之二

日本 讚岐 後藤世鈞 編次

平安 藤原正臣 增補

明上

有天光燭

太祖高皇帝姓朱名元璋字國瑞濠州人父世珍母陳氏

生子四帝最少初帝母夢神餽藥一丸吞之娠及誕有光

燭天自後室光每夜如焚鄰人屢驚至救則無有遂名朱

氏火再徙帝之先故師人徙江東句容為朱家巷宋季大父

辰九月帝生取河水澡浴忽有紅羅年十七父母及兄俱

疫死甲申州大疫帝無倚託身皇覺寺嗣遊食江淮三

年寺主以歲荒散遺徒無帝乃出遊江時海內寇賊蜂

曾補元明史略卷之二



郭子興起

兵戈

卜筮

伽藍

徐達

附等

龍蟠

虎踞

子興

為滁

起有定遠人郭子興起兵據濠帝欲入濠城避兵卜筮於

伽藍神得吉遂往郭子興奇之以養女馬氏妻焉帝時

五詣伽藍卜問避亂不吉即定故又不吉因祝曰豈欲子

傷義耶果大吉帝意遂決以至正十一年閏三月朔入濠

州門者疑為諜執見子興子興奇其狀貌與語大悅留為

親兵凡有攻伐命之往子興輒勝子興故撫宿州馬氏女為

已女遂妻焉即高后也帝自是威名日著豪傑景從定遠

人徐達湯和等率先歸附元至正十四年郭子興令帝

略定遠招附甚衆有十歲童沐英蚤失父母帝憐育之為

子及至妙山馮國用與弟國勝率所部歸帝問大計對曰

金陵龍蟠虎踞帝王都也定鼎于此天下不難平矣帝悅

任以幃幄金陵今南京昔越威王以其地有王氣埋金鑲

帝克滁州立郭子興為滁陽王王二子懼帝威名置

酒毒之帝已覺猶應諾行至中塗佯仰視勒馬轉曰上天

說你二人毒我二子股栗謝自此不敢萌害意懷遠人

常遇春定遠人李善長等來歸而軍勢大振昔漢高功臣

武名將多出南陽我太祖功臣大都濠人蓋十五年正

月帝取和州以數千人服夷服諸將多虜民妻女帝

縱還乃大悅服子興屬帝總和陽兵諸將多子興故部

曲調護之帝與諸將分贊和陽城諸將斃工未就帝作色

置坐南向出子興檄呼諸將曰總兵主帥命也非我專擅

今贊城皆不如約事何由濟自今違者時元兵分屯高

望新塘青山鷄籠山等處道梗不通帝率諸將擊之元

兵乘帝出復攻和陽李善長督兵擊却之殺獲甚衆元兵

皆走渡江補三月郭子興卒帝併統其軍宋韓林兒遣人

陽王

常遇春李善長來歸

曾甫七月...

至和陽招諸將以帝為左副元帥帝曰大丈夫寧能受制於人耶不受補五月帝駐和陽久謀渡江無舟楫時廬州巢縣人廖永安俞通海等率眾泊巢湖連結水砦以捍寇盜會妖黨左君弼據廬州永安等為所扼乃遣使間道納款帝大喜曰此天意也機不可失親率兵至巢湖永安等迎登舟出湖口元將蠻子海牙集樓船塞馬腸河口以阻永安等擊大敗之遂得入大江後歸和陽定渡江之計○

六月帝東渡元於采石立寨拒之常遇春奮登元兵皆潰遂取太平路太平府人陶安曰方今羣寇志在子女玉帛耳明公神武不殺天下不足定矣補帝抵采石磯元兵陣未解卒登常遇春飛舸至帝麾之應聲挺戈躍而上守者披靡諸軍從之遂拔采石乘勝徑攻太平元平章完者不

花等棄城帝令李善長為戒饒軍士榜揚之通衢
下卒違令立斬之城中肅然改太平路為太平府
補元

陳摯先與其將康茂才水陸分道攻太平帝親督兵禦之摯先為伏兵所擒帝釋而用之補八月命徐達等取溧水溧陽句容蕪湖皆下之補初陳摯先被執其軍皆降諸將進克溧水將攻集慶路於是私謂部曲曰汝等攻集慶毋力戰俟我得脫還帝聞其謀召語之曰人各有心從元從我任汝所適縱之還諸軍進攻集慶摯先收餘眾遂與元御史福壽合拒戰於秦淮水上諸軍失利張天祐與郭元帥皆戰死元帥子興之子也摯先追經葛仙鄉鄉民慮德茂謀殺之摯先既死其子兆先復集兵屯方山蠻子海牙擁舟師結寨采石為犄角窺太平補十六年二月命常

遇春攻采石遇春縱火焚其連艦大破之蠻子海牙僅以身免自是元兵扼江之勢衰矣○三月破陳兆先降其眾

令環衛宿而帝酣寢眾乃安帝揮降兵馳勇五百人置

陵元御史福壽死之帝入城諭曰賢人君子有能相從立

功業者吾禮用之舊政有不使者吾為汝除之軍民私相

慶幸帝嘉福壽忠禮葬之馮國用率五百人先登遂克

等帥眾來降獲民兵五十餘萬命取鎮江勅諸將曰城

下之日慎勿殺掠故兵不血刃而鎮江下增丹陽諸縣克

之補六月命諸將進攻廣德路克之改為廣興府○諸將

奉帝為吳國公補以元御史臺為公府置江南行中書省

諸將 奉帝 吳國公

金陵 一定

聘秦 從龍

執朱 亮祖

總吳國事○聘洛陽人秦從龍任以幃幄從龍每筆書漆

簡問答甚密人不及知帝每稱若先生不名從龍字元

官會兵亂以老避居鎮江帝素聞其名命朱文正以白

十七年四月帝親攻元將朱亮祖於寧國久不下後守臣

揚仲英出降而亮祖被執曰死則死耳帝壯而釋之令從

征亮祖六合人初為元義兵元帥帝克太平來降尋叛

是徐達常遇春等圍亮祖於寧國常遇春被創而還帝督

則死耳○七月取徽池兩州命鄧愈胡大海將兵取徽

徽州元守將元帥八爾思不拖及萬戶吳納等拒戰鄧愈

等擊敗之遂克徽州路吳納等退守遂安縣胡大海引兵

追及於白鶴嶺擊敗之吳納等自後改徽州路為興安府

命鄧愈守之天完將洪元帥守池州常遇春廖永安吳復

執洪元帥斬之并擒副將魏壽徐天雄等既而天完平章

陳友諒寇池州以戰艦百餘艘來逆戰遇春等復奮擊大敗之○攻常湖兩州克之而張

士誠氣沮降于元帝遣楊憲通好於士誠以勿失邊

鎮江徐達等禦之敗其軍于龍潭又帥師攻常州進其

壘士誠遣弟士德率眾數萬來援達等迎擊破之士德馬

蹶所獲華雲龍王弼等復敗士誠弟士信于舊館擒其驍

將湯元帥士誠連敗乃奉書請和帝復書數其開鬻召兵

之罪且許其歸我使臣將校即賞班師士誠得書不報叛

去帝又命耿炳文率兵取長興士誠將趙打虎走湖州尋

士誠遣兵來寇炳文擊敗之生擒數百人斬首甚眾諸將

已克常州畧太湖取江陰軍容甚張每寇至輒破走之士

誠累敗勢日蹙南攻嘉興杭州又為元楊完者所破至是

乃請降于元士誠雖降而城地兵甲錢穀皆自據如故

補十一月元苗帥楊完者自杭州率眾數萬來攻徽州時

徽州新附守禦之器未備胡大海方將兵攻婺源城中守

兵甚少苗軍奄至鄧愈乃激厲將士大開四門待之苗軍

疑不敢入大海聞之自婺源兼程而還大呼殺入復與鄧

愈奮兵出戰大破苗軍於城下楊完者遁去鄧愈遣裨將

王弼等攻婺源斬元將帖木兒不華元帥汪同降○十八

年二月李文忠取旌德太平等縣遂進攻嚴州克之○置

管甲使以督農事帝諭管甲使康茂才曰此因兵亂隄

隄防專掌水利今軍務實殷用度為急理財之道莫先於

農事故命爾此職分巡各處俾高無患乾車不病滌務在

蓄泄得宜大抵設官為民非以病民若但使有司增飾館

舍迎送奔走所至紛擾無益於民而反害之則非付任之

意 **補**四月天完平章陳友諒陷江西龍興瑞州遣其黨趙

普勝自樞陽寇池州守將趙忠戰死 **補**六月張士誠兵寇

常州湯和力戰敗之復寇常熟廖永安與戰于福山港大

破之追至通州狼山獲其戰艦而還○十一月立民兵萬

置營使

戶府諭行中書省臣曰古寓兵於農有事則戰無事則

明暇則講武今兵爭之際當因時制宜所定郡縣民

曾甫元月各卷之二

間武勇之材宜精如簡拔編緝為戶立民兵萬戶府領之俾農時則耕閒則練習有事則用之無功者不練之兵以戰則勝以守則固庶幾寓兵於農之意也補時

羣雄割據帝固守江東諸郡以觀四方之勢乃謀取浙東胡大海率兵攻蘭溪克之進攻婺州久不下帝命李善長徐達守建康自率常遇春等兵十萬往征之元參知政事石抹宜孫守處州聞大軍攻婺州來援帝擊大敗之進圍其城拔之改婺州路為寧越府以和州人王宗顯知寧越府事開郡學時喪亂之餘學校久廢至是始聞絃誦聲帝既撫定寧越欲遂取浙東未下諸郡集諸將諭之曰克城雖以武而定民必以仁今新克婺州政當撫恤使民樂於歸附則彼未下郡縣亦聞風而歸吾每聞諸將下一城

師行
如火

得一郡不妄殺人輒喜不自勝蓋師旅之行勢如火火烈則人必避之為將者能以不殺為心非惟國家所利在已亦蒙其福爾等從吾言則事不難就大功可成矣補十年正月胡大海李文忠取諸暨州張士誠將華元帥遁去補二月張士誠兵寇江陰艦艦蔽江守將吳良元帥王子明擊破之擒其將士五百人殺溺死者甚衆時賊屢侵常州吳良及其弟禎守禦有方每寇至輒破走之士誠數敗氣索自是不敢犯境帝召良入見勞之曰吳院判保障一方使吾無東顧憂其功大矣賜車馬珠玉不足旌命諸儒臣為詩文美之補三月方國珍以其地來附因以子質帝曰苟推誠何以質為又獻寶帝曰吾所需才耳並遣之

方國
珍降

濂基聘
等宋劉

去歲帝克婺州遣使招諭方國珍國珍與其下謀曰今元運將終群雄並起惟江左諸公嚴明所向無敵今又東下婺州恐難與爭鋒况與我為敵若東有張士誠南有陳有定莫若姑示順從藉為聲援以觀其變至是遣使奉書幣以温台慶○民有獻美女者帝誅之絕其獻○七月帝還建康以無為州逼近肘腋遣兵克之○九月常遇春進兵攻衢州克之○補十一月胡大海耿再成進取處州初再成駐兵黃龍元諸將分屯險要拒之久之將士怠弛皆無鬪志元帥胡深棄軍來降且言處州兵弱易取大海等聞之大喜出軍抵樊嶺與再成合攻之大敗其衆守將石抹宜孫戰敗棄城走建寧七邑皆下再成統兵鎮之未幾宜孫收散卒欲復處州攻慶元再成擊敗之宜孫戰死○聘青田人劉基浙人宋濂葉琛章溢至帝曰我為天下屈四

花雲
罵賊

先生賜坐○基自幼聰明絕人凡天文兵法性理諸書過目盡識其要至正初以春秋舉進士授高安縣丞累官江浙儒學副提舉時方國珍起兵劫掠郡縣基建言方氏首亂宜捕而斬之執政多受國珍金者輒劾基擅作威福羈管于紹興遊西湖有異雲起西北同遊者皆以為慶雲將合韻賦詩基獨縱飲不顧大言曰此天子氣也應金在涉十年後有王者興我當輔之時杭州猶全盛皆大駭以為狂時無知基者惟西蜀趙天澤奇之以為諸葛孔明之流客有說基者曰今天下擾亂以公才畧下括蒼併金華吳越可折簡而定因畫江守之此句踐之業也舍此不為欲悠々安之嗟曰吾生平急方國珍張士誠輩所為用子計與彼何殊耶且天命將有歸子姑待之會帝下金華定括蒼基乃指乾象謂所親曰此天授非人力也至是帝遣使聘基遂決計趨金陵陳時勢十八策帝嘉納之濂琛溢皆命官基○二十年閏五月陳友諒攻陷太平知府許瑗死之守將花雲被縛奮起縛絕奪刀連殺數十人被賊碎首至死罵不絕口妻郤氏赴水死雲有子三歲抱逃被執孫氏及兒俱投之水偶附木入芦渚渚有蓮實取啗兒凡七日夜有老父號雷者引見帝帝抱泣曰此將曾甫元月口各卷之二

種老忽不見補陳友諒既陷太平。弒徐壽輝。遂自稱皇帝。

國號漢。金陵震動。或欲降。劉基曰。敢言降者斬。初。康茂才

與友諒善。令遺書誘之。為內應。速來。友諒遂進兵。伏兵擊

之。友諒敗走。遂復太平。帝以其謀誘李善長。善長曰。避則東與

張士誠謀合為害益大。今先破此賊。則東寇膽落矣。善長曰。善友諒既至。伏發敗走。殺溺死者無算。生擒七十餘人。

收得巨艦百餘。○二十一年八月。拔江州。友諒都此。及蕪

黃等郡。友諒奔武昌。補二十二年二月。金華苗帥蔣其劉

震等作亂。殺參政胡大海。又慶州苗帥李祐之賀仁德聞

蔣其等殺胡大海。亦作亂。殺院判耿再成。二郡煽亂。李文

忠即率兵馳赴鎮撫之。○二十三年正月。陳友諒據湖廣

張士誠據浙西。劉基曰。士誠守虜耳。友諒居上流。宜先伐

囊中物

之。陳氏滅。張氏囊中物矣。○四月。朱文正守南昌。陳友諒

大舉圍之。友諒忿其疆場日蹙。大作戰艦。空國而來。兵

十餘丈。朱文正趙德勝鄧愈等督諸將且戰且築城。復完

於是李繼先牛海龍趙國旺等皆戰死。友諒盡攻擊之。術

而城中備禦隨方應之。殺傷甚眾。友諒復分兵攻陷臨江

吉安。以其所獲吉安守將劉齊朱華臨江同知趙天麟等

狗於城下。文正等不為動。趙德

勝出巡城中。伏弩重傷而死。日久乏糧。文正遣張子明

潛達金陵告急。子明還為友諒兵執。使歸誘降。子明許之

及至城下。呼曰。諸公須堅守。大軍即至。友諒怒殺之。文正

以圍急。遣一兵號捨命王詣友諒約。日出降。以緩其圍。及

期不降。捨命王自殺。而帝親帥師至矣。與友諒接戰于鄱

陽湖。帝被圍。莫脫。韓成服。帝龍袍冠冕。投水圍乃解。戰酣

劉基驚曰。難星過。急更舟。更畢而帝舟為賊砲破。友諒連

張子明節義

與陳友諒戰死

周顛言不死

舟縱戰望之如山帝乘風縱火湖水盡赤友諒中流矢死

其子理奔武昌帝乘勝攻之乃出降而江西湖廣盡平

諒圍南昌八十餘日帝自督諸將發舟師二十萬赴援進

次湖口友諒乃解圍東出鄱陽湖以迎之遇於康郎山帝

分舟師為十二屯擊敗其前軍軍威大振明日諸軍接戰

乘風縱火焚其戰艦數百艘友諒弟友仁友貴及其平章

陳普畧等皆焚死連戰三日敵兵大敗友諒奪氣斂舟自

守不敢戰八月友諒計窮自死突出將奔還武昌帝邀擊

大敗之友諒中流矢而死擒其太子善兒其將張定邊乘

夜以小舟載友諒屍及其子理奔還武昌復立理為帝改

元德壽既而帝復進兵圍之明年二月帝以武昌圍久不

下乃親往視師督諸將擊之擒其元帥張必先既而遣其

降將羅復仁入城諭陳理使降理遂率其大尉張定邊詣

軍門請降凡府庫儲蓄悉令理自取城中民多飢困命給

粟賑之於是湖廣江西諸郡縣相繼皆降三月封陳理為歸德侯

○周顛每言不死帝以

獲煨之竟目啓視晏如時從帝征友諒帝怒其顛屢投之

水不濡竟去不知所之

○二十四年正月李善長徐達等

以帝功德日隆屢表勸進奉帝即吳王位建百司官屬

○江西進陳友諒鑄金床帝曰此與孟昶七寶溺器何異毀

之○帝追痛死節諸臣悉封廟祀廕其後

○二十五年二

月張士誠將李伯昇率眾二十萬寇諸全之新城守將胡

德濟堅守求援於李文忠文忠即率兵由嚴陵馳援之眾

寡不敵文忠引數十騎乘高駝下直出陳後衝其中堅敵

遂大潰亂德濟亦帥城中將士鼓譟而出大敗之李伯昇

僅以身免

○五月元平章陳有定攻慶州總制參軍胡深

帝即吳王位進金鑄床

曾補元明史卷之二

地勢日異...

九

張士誠死

守汀州兵勢日盛福建諸郡皆據有之其為人沈勇喜游俠擊斫衆憚服之爭願為之役補十月徐達常遇春等克淮安進攻泰州張士誠遣舟師薄淮安補○二十六年正月詔禁種秫以塞造酒之源補三月夏主明玉珍卒子昇嗣補五月淮地悉平徐達韓政等進兵攻安豐克之元將忻都左君弼皆出走汴梁補命有司訪求古今書籍補夏主明昇遣使來聘命參知政事蔡哲往報之哲挾畫工同往圖其山川險易以獻帝覽而嘉之遂為取道伐蜀之張本補○八月大舉伐張士誠諭曰毋妄殺苟得地無民何益諸將領命行而蘇杭等地悉平囚士誠送建康帝欲全之士誠自縊等率兵二十萬先薄湖州破士誠將尹義石清兵

擒之遂圍其城塞溝濬以絕糧道士誠知勢急乃親引兵東援達等與之戰于阜林擄其元帥及甲士三千餘人其降將呂珍等拘于城下城中大震其左丞張天驥遂舉城降時朱文忠以兵攻杭州及紹興華雲龍攻嘉興皆下之十一月徐達等進逼姑蘇張士誠屢出兵拒戰皆敗明年九月克之遂執士誠及其官屬將校皆送建康士誠在舟中閉目不食比至帝欲全之士誠補○十二月新殿成命書古事蹟可法戒及大學衍義于壁補帝命劉基卜地定作補朴素謂羣臣曰官室但取完固而已何必極雕巧以天下之力乎時有言瑞州出文石可以釐地者帝曰爾不能以節儉之道事予乃導予以侈靡但構為宮室已覺作者之勞况遠取文石能不厲民乎言者大慙而退遂定議以明年為兵元年命有司立宗廟社稷尋命協律郎補謙考正宗廟雅樂音律及鐘磬等器并定樂舞之制補十七年正月遣指揮戴德率兵取沅州補二月命免太平府租賦二年應天鎮江等處租賦下年此以渡江開創之地久困兵革也補三月定文武科取士之法補○六月久旱

曾補之月...

北齊書卷之二十一

帝素食乃雨或請葷帝曰禾雖得雨未能即甦我能還甘食乎補九月張士誠既平帝召諸將褒諭之封左相國李善長為宜國公右相國徐達為信國公平章常遇春為鄆國公餘進爵賜金帛有差先是承元制禮義猶尚右至是命百官禮義俱尚左補十月命徐達常遇春率甲士二十五萬北伐定中原復命胡廷瑞為征南將軍率吉安寧國等軍南取八閩航海趨廣東平章楊璟率荆湘之眾以取廣西乃馳檄諭齊魯河洛燕薊秦晉其略曰自古帝王臨御天下中國居內以制夷狄宋祚頽移元以北狄入主中國此豈人力實乃天授然達人志士尚有冠履倒置之嘆自是以後元之臣子不遵祖訓廢壞綱常及其後嗣尤荒

馳諭齊魯燕薊秦

定律令

失君臣之道又加以宰相專權憲臺報怨有司毒虐於是人心離叛天下兵起雖因人事所致實天厭其德而弃之之時也古云胡虜無百年之運驗之今日信乎不謬予本淮右布衣因天下亂為眾所推率師渡江居金陵形勢之地民稍安食稍足兵稍精自視我中原之民久無所主深用疚心予恭天成命罔敢自安方欲遣兵北逐羣虜拯生民於塗炭復漢官之威儀慮民人未知反為我讐挈家北走陷溺尤深故先諭告兵至民人勿避予號令嚴肅無秋毫之犯補十一月命太史令劉基定律令曰毋示兩端令奸吏得託也補劉基又及大史院屬高翼以補遣御史大夫湯和督諸軍討方國珍國珍之初降也約曰抗城下即

曾甫七月

納地來朝。帝克抗州，猶自據如故。乃累假貢獻來覘虛實。為叛服計。又北通擴廓帖木兒，南交陳有定。圖為犄角。帝累書責其懷奸挾詐。陽降陰叛。且徵其貢糧二十三萬。國珍不報。遂遣兵進攻温台慶元。國珍懼，遂遁入海島。復命平章廖永忠自海道會和討之。其部將多來降。諸郡縣相繼皆下。國珍惶惑失措，乃遣子明完奉表乞降。既而及弟國珉親帥所部謁和于軍門。和送國珍等于建康。浙東悉平。補徐達等引兵由淮入河東，至沂州。元守將王宣降。進取嶧州及益都。於是萊州諸郡悉奉圖籍來降。補十二月，胡廷瑞等兵度杉關，略光澤縣，下之。邵武建陽亦降。時湯和廖永忠等克方國珍于浙東。帝命之自海道徑取福州。

浙東悉平

和等自明州乘風進舟，不數日至城下。一鼓克之。守將曲出遁。參政尹克仁宣政使朶耳麻不屈死。僉院柏帖木耳殺妻女，縱火自焚死。

帝即位

馬氏為后

制定兵

○洪武元年正月，羣臣勸帝即帝位。後之。是日天清氣朗，香霧上凝，下鵲獨露中星。天開景運之徵也。定號大明。改元洪武。置翰林院，設起居注二員，以記言動。○立馬氏為后。立標為太子。命李善長等傳之。帝語羣臣曰：后向遇朕征，輒以不殺為論。其視唐太宗長孫后尤過也。后聞曰：妾安敢比長孫后。但願陛下法堯舜耳。○定兵制，郡各一衛。有事詔總兵官佩將印督之。無事則還所佩印。而權皆歸于朝廷。○以大牢祀孔子。仍遣使曲阜致祭。○帝出視園。

廿太子從行命遍閱農家曰農終歲勤苦服食不過如此故令爾知之無過取也○帝曰克敵在兵制兵在將故有精兵不如良將劉基曰任將在上將之勝又不若主之勝也○命畫古孝行及身所艱難戰伐事以示子孫○蘄州進竹簟帝曰是為用物未有命而來獻若受之恐天下聞風皆爭進奇巧傷民財自此始矣乃却之補胡廷瑞等兵圍建寧下之時湯和廖永忠等既下莆田等十三縣進兵攻延平先遣使招諭元平章陳有定有定不從遂進兵隔水而陳分一軍度水攻其西門有定戰不利歸謂諸將曰敵千里遠鬪氣銳慎毋戰戰後殺吏士耳乃嚴兵固守令軍士巡城晝夜不少息諸將請出戰有定不許數請不已

有定疑其部將蕭院判有携貳心殺之士卒多踰城走者和等急擊攻之有定知事已迫乃訣諸將曰公等善為計吾為元死耳坐省堂仰藥飲盡部將某輔與白哈麻自經死參政文珠海牙開門出降太兵入城有定復蘇械送京師入見帝詰之有定厲聲曰毋多談安得加我死乎遂併其子棄市胡廷瑞等進兵克興化遣建陽降將曹復疇招諭汀州及寧化連城等縣汀州守將陳國珍納款于是泉漳潮郡縣相繼降閩地悉平補二月平章楊璟進兵永州又命平章廖永忠由海道取廣東又勅贛州衛指揮使陸仲亨由韶州擣德慶會廖永忠三方進師為掎角之勢補三月廖永忠率舟師自福州航海至廣州元左丞何真降

潮州郡縣歸附。補四月。陸仲亨略定英德清遠連州肇慶等郡。縣進攻德慶。守將張鵬程棄城走。廣東悉平。補六月。楊璟等既畧永州。進兵克靖江路。廖永忠亦進次南寧。元土浪屯田千戶宋真執其守將平章咬住等請降。永忠悉收諸司印章。廣西悉平。補右丞相徐達等既克永城歸德許州取汴梁。率諸將進至河南。分兵取諸山寨皆下之。遂拔潼關。南陽諸郡相繼歸附。補帝以中原兵難之後老推孤貧者多。遣使賑恤。○時廣東廣西福建山東河南悉平。乃命徐達直取元都。河關七月。達等分布士馬。自中濟渡進。克臨清。獲元將李寶臣都事張慶。以爲前導。擄諸將大會於臨清。率馬步舟師北進。先取德州。克長蘆。守將左會院。通分兵。狗下青州。至直沽。獲其海舟。一艘。造浮橋。以濟師。常遇春等率舟師並河東西以進。步騎遵陸而前。元

命徐達取元都

元主遁

丞相也。達等揮禦海口。望風奔潰。元都大震。師至通州。元將五十八國公率敢死士萬餘出戰。指揮郭英設伏。共大敗之。斬首數千級。擒其將卜顏帖木兒。遂克通州。元主率后妃太子北遁。既臨元主聞報。大懼。議避。北行。時元都再遭李羅擴廓之變。民生喪亂。守備不設。元主徘徊嘆息。曰。今日豈可復作徽欽。遂決計北逃。左丞相失烈門不知樞密院事。黑廝等皆勸固守京城。不聽。命准王帖木兒不花監國。慶童爲左丞相。同留守。夜半與后妃太子開建。達等入城市。不易肆。止封其德門。由居庸北走。如上都。建

府庫圖籍。填濠登城。而入。執其監國准王及丞相慶童。平章迭兒左丞相丁敬等戮之。獲玉印二。玉璽一。封其府庫。圖籍寶物及故宮殿。以兵守之。官人妃主令其官寺護持。歸令士卒毋得侵暴。人帝詣汴梁。欲定都于此。不果。時言民安堵。市肆不廢。

天下宜居中土。汴梁宋故都。勅帝往視之。既而帝謂羣臣曰。大梁四面受敵。非建都之地。且人民凋弊。不可重勞。興

京開封府金陵。爲南京。應天府。○命學士詹同等十人分道訪求賢哲。○詔乘輿毋飾金玉。有司曰。此小費。帝曰。小

謝劉基

費不節。大用將至。補九月。大將軍徐達遣孫興祖俞通源等帥師進克永平府。常遇春傳友德等略保定中山河間真定俱下之。補十月。詔改元燕京為北平府。置燕山等八衛。以都督孫興祖華雲龍守之。○進元主所製刻漏。帝曰。此謂作無益。害有益也。毀之。○御史中丞劉基謝政歸人。以方之張葛。按本相初攻某城命基圖方墨基書片紙授有黑雲起即賊伏也俟黑雲與青雲接乃賊歸也寫擊之如其言果大捷其妙如此帝手詔召基至。贈基祖父公爵。欲公基基固辭曰。陛下天授臣何功之有。聖恩深厚榮先人足矣。補十一月。詔禁胡俗。悉復中國衣冠之舊。補十二月。元擴廓帖木兒守太原。元主命之率兵出雁門關。由保安州經居庸關以攻北平。徐達聞之。率諸

也非縱寬也

軍直抵太原。搆其虛。擴廓既至保安州。聞之。還軍。傳友德薛顯率敢死士數十騎衝却之。擴廓軍于城西。其部將豁鼻馬潛使人約降。且請為內應。達大喜。遂乘夜劫其營。軍大潰。亂擴廓方燃燭坐帳中。聞變倉卒不知所出。亟納靴。未竟。跌一足。踰帳後出。乘驛馬從十八騎遁去。追之不及。遂克太原。得兵四萬餘人。馬四萬餘匹。○帝指宮中隙地示太子曰。非不可起臺榭。但令內使種菜。誠不忍傷民財耳。○馬翊曰。元有天下。寬以失之。帝曰。步急則蹶。弦急則絕。民急則亂。居上之道。政當用寬。元季君臣縱也。非寬也。補二年。正月。高麗王王顥遣使奉表朝貢。補詔免山東山西北平河南及秦隴等處稅糧。補立功臣廟於雞鳴山序。

元詔
史修

為文
坦易
誠意
溢出

其封爵為像以祀之。補二月詔修元史。令左丞相李善長起居注宋濂漳州府通判王禕總裁徵山林遺逸之士汪克寬等十六人同纂修。補大將軍徐達克河中府進取陝西。三月至西安遣馮勝攻鳳翔李思齊奔臨洮馮勝進征臨洮李思齊降。○四月鳳翔府寶雞縣進瑞麥一莖有五穗羣臣稱賀帝曰瑞不以物也。○帝曰古人為文率坦易如孔明出師表何嘗彫刻而誠意溢出不盡今翰林為文但取明道理通世務而止。○命造大廟器曰古邊豆之屬朕先人恐不識此孔子曰事死如事生今制器只依常用。○七月中書左丞相常遇春卒帝痛悼不已親往祭之配享太廟。帝曰平定之功遇春十居八九。補封其二子為公以長女為皇太子。

地... 二十五

如 補八月大將軍徐達下慶陽山西陝西悉平達等班師

還京。補詔李文忠代常遇春領其眾應援慶陽文忠至太原會慶陽已平而元將脫列伯孔興等攻大同甚急乃與左丞趙庸等遂由代出雁門關九月次馬邑元邏騎數千奄至文忠與戰敗之擒其平章劉帖木兒進至白楊門由間道達大同脫列伯悉銳來攻文忠奮擊大敗之擒脫列伯降其眾萬餘進兵逐孔興先是元主北走屯蓋里命脫列伯孔興以重兵攻大同欲圖恢復至是脫列伯被擒孔興走綏德其部將復斬之來降元主知事不濟無南向意矣。○十月甘露降乾清宮後苑宋濂作頌以進。○帝御朝召宋濂等列坐賜酒帝賦詩因命各以詩進。○帝諭刑部

曾補元月口答卷之三

死于光節

尚書周禎曰刑以輔治唐虞不免舜命臯陶始曰明刑終期無刑臯陶告舜亦曰與殺不辜寧失不經卿當體之補遣平章楊璟招諭夏主明昇先是徐達等平關陝蜀人震恐其臣戴壽曰大明天子遣將用兵所向無敵以擴廓李思齊強盛竟莫能禦况吾蜀乎倘一旦有警計將安出吳友仁曰蜀地非中原比設有緩急據險可守為今之計莫若外假交好以緩敵內修武事以自強昇從其言遣使修貢帝賜璽書答之至是遣楊璟諭奉國入覲昇尚幼牽于羣議不決璟將還復以書曉之極言木小順逆利害之勢昇不能從補十二月大賞平定中原征南諸將賜金幣各有差○元王保保圍蘭州指揮于光來援為元兵所獲逼

之誘降光至城下大呼曰公等堅守大軍即至矣敵怒殺

之補守將張溫守益堅保保進攻不利且懼大軍至乃引兵去王保保即擴廓帖木兒也補○謫危素

出守余闕廟補闕元臣死節者帝嘉其忠立廟補○帝見巢鵲

翼哺曰禽鳥且爾耶令羣臣有親老者歸養○戶部奏蘓

州多逋稅當罪其官帝曰逋稅不償民困可知罪其官必

責之民重困矣免之補三年四月封諸子為王皆授以

冊寶設置相傳官屬補以濠州為中都宮殿郊廟社稷文

武公署一如京師補大將軍徐達率師大破王保保於定

西古城夷其營落擒王公已下百餘人降其眾八萬○夏

久旱帝素服草履步請山川壇晝暴於日夜卧於地三日

乃大雨○十一月北平沙漠械順帝孫至京或請獻俘于

伯公臣封
侯為功

廟帝曰元雖夷狄入主中國者百年朕祖父亦嘗享其大
平也安忍加戮乃賜封侯補五月左副將軍李文忠等兵
降其將士一萬餘人遂進次開平知不主已殂于應昌進
襲應昌克之獲元主孫買的里八剌及后妃諸王并王璽
金寶玉冊等太子愛猷識理達臘與數十騎遁去十月
文忠等班師凱旋上平沙漠表帝蓋元主曰順帝而封買
的里八剌為崇禮侯待之以甚補徐達等征吐蕃克之極甘
厚元宗室來降者皆授以官
肅西北數千里始還○封功臣公侯伯者三十六人徐達
居首賜宴曰願卿等毋忘艱難時也因設壇祭已死功臣
且錄其後建功功臣廟祭二十十人○封薛顯永城侯或言
顯有妄殺之罪帝曰功過自不相掩吾以爵功耳○禮官
請立東宮相帝曰朕見古來官相每與廷臣隙遂使禍起
骨肉今止以廷臣兼之補帝與儒臣議修玉牒欲祖朱文

公一日見有典史朱姓而徽人問其為文公後耶其人對
曰非也帝頓悟曰彼一小吏尚不妄祖他人况我乎遂却

衆議○四年七月大舉伐夏四川悉平補先是帝遣使招

于羣議不餘從反以兵侵興元於是命湯和廖永忠等諸
將大舉水陸兵分道攻之累歸州階州文州綿州漢州俱
克之六月廖永忠至瞿塘關蜀人設鉄索飛橋橫阻關
舟不得進乃密遣壯士數百人舁小舟踰山度關以出其
上流蜀人不之覺也又分精銳為兩道夜五鼓以軍攻
其陸寨一軍攻其水寨攻水寨將士皆以鉄裹船頭置火
器而前黎明蜀人盡銳來拒永忠先破其陸寨既而將士
舁舟出江者一時俱發上流揚旗鼓譟而下蜀人出不意
大駭而下流之師亦擁舟急擊突火炮火箭夾攻大破之
遂焚其三橋斷其橫河鉄索擒斬甚多永忠入夔州明日
湯和兵亦至乃分道並進沿江州縣望風奔命乘勝抵重
慶次銅鑼峽明昇君臣大懼奔成都其母彭氏位曰事勢
如此縱往成都不過延命且夕何益大軍入蜀勢如破竹
今城中軍民雖數萬皆膽破心怖若敵之出戰死傷必多
亦終不免也不如早降以免生靈于鋒鏑明昇遂與母彭
氏及羣臣奉表詣軍門降和永忠下令將士不得侵掠送

曾甫元月

律大詳
明定

至是遂相基大感曰使吾言不驗蒼生之福也言而驗者其如蒼生何○奪誠意伯劉基爵胡惟庸與基隙以謀葬王地故奪○十月卻貢人參及香米葡萄酒曰毋以口腹累之補十一月命刑部尚書劉惟謙詳定大明律篇目皆准於唐損益舊律凡六百有六條補十二月故元雲南梁王殺使臣王禕吳雲等初禕至雲南諭以帝之威德天命所歸梁王君臣駭服已有降意會元太子自立於沙漠遣使脫脫徵糧雲南謀連兵拒中原脫脫覘知梁王有二心欲迫殺朝使以固其意禕謂梁王曰汝朝殺我大兵夕至矣竟與吳雲俱被害○七年十一月訪窮民無告及戰死軍士家屬給以衣食廬舍○八年四月劉基卒補時胡惟庸潛蓄毒謀深惡基乃遣醫視疾基飲其

藥二服有藥積腹中如石基自帝亦未之省也自是疾遂篤基輔帝平定中原

為最每忠直敢言帝嘗以子房况之賜語云學為帝師才本王佐渡江業士無

雙開國文臣第一五月元王保保卒保保自定西之敗走河林

元嗣主復任以政後徙徙金山之北至是卒帝一日宴謂

羣臣曰天下誰為男子者皆曰無如常國公帝乃拊髀曰

是遇春耶我得而臣之我竟無以臣王保保真男子也○

十一月甘露降園土之松色若明珠味同飴糖羣臣頌德

帝曰人情聞瑞則驕願臣下毋妄獻瑞補九年諸將連年

戰沙漠斬獲招降甚夥益嚴邊防元伯顏帖木兒請和帝

命諸將悉還獨留穎州侯傅友德屯兵以備之四月伯顏

帖木兒又犯邊友德設伏大破之○六月學士承旨宋濂

曾補元月口各卷之三

賦學歌
士醉

合祀
天地

侍宴帝強之三觴瀛面赭行不成步帝為賦醉學士歌以誌君臣同樂之雅○八月遣官視歷代帝王陵寢令百步內禁人樵採○親王造宮過麗帝戒曰不見茅茨卑宮堯禹以興阿房西苑秦隋以亡乎○十年二月宋濂致仕歸瀛艱于步帝賜之馬因作良馬歌以贈○始合祀天地於南郊古制祀天澤帝曰天地父母也人子而致父母異處豈稱孝子○九月帝語侍臣曰功崇惟志業廣惟勤朕每待日臨朝夜不安枕或見一星失次輒引為憂或夜度民事即次第筆記待且發遣凡以無逸乃逸也○主簿成樂考最曰能恢辨商稅帝曰若能恢辨是額外剝削矣乃罷○十月都督僉事濮真征高麗被執逼之降真厲聲叱之

內侍
不許
識讀
字書

胡惟
庸謀
逆

雲南
悉平

乃抽刀剖心以示帝嘉其節追封公其子方在襁遂封侯○有內使言政事帝曰寺人于政亂從生矣今制內侍不許讀書識字止供洒掃而已○十二年閏五月高麗率男婦來降帝曰人情豈舍桑梓而歸異鄉者斯必有詐命絕之時四夷朝貢有四十餘國○十三年正月左丞相胡惟庸謀逆伏誅惟庸誑言井出醴泉邀帝往觀因執惟庸第進西華門守門內使雲奇知其謀止駕為左右搥死帝覺亟遣兵圍其第族惟庸其黨皆伏誅帝深悼雲奇死追封右少監命有司春秋致祭○詔罷丞相以胡惟庸故止設五府六部等衙門分理天下庶彼此相持不得專擅補二月故元國公火脫赤屯衆和林為邊患西平侯沐英總陝西兵討之獲其全部以歸○十五年正月命沐英征雲南雲南悉平遂以其鎮其地時天下大定四夷百蠻莫不稱臣奉職貢惟雲南

曾甫九月各卷三

人君儲財與眾庶異

特險遠殺信使納通逃十四年九月朔命傅友德藍玉沐
英等率師三十萬討之十二月攻普定普安下之遂進兵
曲靖梁王遣其司徒平章達里麻將精兵十餘萬屯曲靖
拒之沐英等出奇兵大敗之生擒達里麻橫屍十餘里軍
聲益振趨雲南梁王聞達里麻敗棄城走驅妻子俱赴滇
池死其入城秋毫無犯收梁王金印圖籍撫其民雲南悉
平諸蠻震懼附○或請儲財以足國帝曰人君儲財與眾庶
異人君以天下為家散財為儲也○八月馬后崩帝痛悼
終身不復立后后初病帝強之藥后不可曰如服藥不瘳
陛下寧不以妾殺醫乎妾不忍也○后性恭儉既貴服漸
濯之衣帝以成武治天
下后嘗濟之以寬仁生太子及秦王晉王
燕王周王葬於鐘山孝陵諡曰孝慈皇后○王允道言磁
州多產鉄請設治戶萬五千收之帝曰聞治世無遺賢不
聞無遺利也苟設此是驅萬五千戶於治中也流允道海
外○晉府長史桂彥良上太平治要十二條法天道廣地
利順人心養

徵耆儒飽等

聖德培國脉開經筵精選舉審刑○十月徵耆儒飽等
罰敷教化敷戎狄蒐材俊廣咨詢
四人至命為學士輔太子固辭賜敕還○詔選名僧輔親
王○此時命僧道衍往燕王府住持慶壽禪
寺洪武赤靖難之兵起皆道衍之謀也○十六年帝
與侍臣論歷代創業及國祚修短侍臣皆曰前代祚運之
長莫逾成周其次莫如漢諫議大夫唐鐸曰三代後布衣
有天下稱漢高及陛下然漢高不事詩書陛下留心聖學
豈漢高所能及哉帝曰不然周德雖至使其後君非成康
臣非周召亦何能享祚八百朕子孫能如成康輔臣能如
周召朕天下始有賴矣○詔免內五郡稅應天太平鎮江
寧國廣德至此
凡十曰五郡為興王之地其民助朕居多○十一月建除
五免陽王廟於滁州以報祀郭子興子興女亦為皇妃生蜀王

增補元月史各卷之三

明史田卷之三

三十一

北齊書卷之四十四

徐允讓行

徐達將德

書洪範右

用兵猶用

豫王及如意王。蜀王有賢德。博通經藝。旁及釋典。帝鍾愛呼蜀秀才。○十七年。山陰民徐允讓。與妻潘氏奉其父。避亂為寇所執。寇欲殺其父。允讓大哭。請以身代。寇欲污潘氏。潘氏誑曰。夫死從汝。必矣。令寇焚其夫。潘氏遂入火中死。帝並旌表之。○十八年二月。魏國公徐達卒。達忠勇無比。每征。悉出其功。至如封姑蘇之府庫。胡宮之美人財寶。無所取。婦女無所幸。將德之最優者。帝痛悼無已。親為製神道碑。○四月。瑞雲見止。羣臣母得稱賀。○書洪範于座右。朝夕省覽。製大誥。頒示天下。○或曰。善惡之報多。爽。帝曰。為惡或免禍。然理無可為之惡。為善未必福。然理無不可為之善。○帝論兵曰。用兵猶用藥。藥能去疾。亦能致疾。苟

藥

無事而動兵。是猶妄以瞑眩之藥。強進無病之人。縱不殞身。亦損元氣。○補十九年六月。詔天下行。養老之政。凡耆民八十以上。賜米酒帛絮。各有差。○補二十一年三月。雲南平緬蠻叛。舉眾三十萬。戰象百餘。寇定遠。勢甚肆。西平侯沐其自將精銳二萬。往討之。下令軍中。置火銃神機箭。為三行。列陣中。將士鼓勇而進。賊悉眾驅百象來戰。象皆披甲。背負戰樓。若欄楯。懸竹筒于兩旁。置短檠。其中以備擊刺。陳既交。火箭銃砲連發。聲震山谷。象皆驚奔。賊有昔刺者。亦驍勇。殊死戰。其督戰益急。三軍大呼而鏖。不移時。賊眾大敗。斬首三萬餘級。生獲四十七象。餘皆被矢如蝟。死渠帥刀斯郎理。各中百餘矢。斃象背上。自是諸蠻警服。平緬

北齊書卷之四十四

平歲入緬
貢賦

元日微商
解七歲能文

善殺李
長

增補元明史田卷之二

歲入貢賦不復反矣。補四月征虜大將軍藍玉副將軍郭
 英等北征自太寧進至慶州直搗元營其大尉蠻子拒戰
 俘衆五萬餘人元主脫古思帖木兒帥數十騎遁去玉追
 之不及獲其王子及後宮后妃衆四萬餘人乃旋師元主
 為部下所弑其部屬皆奔散元裔日微玉等還京獻俘帝
 大喜褒賜有差進封藍玉涼國公○吉水人解縉七歲能
 文遂以弱冠登第為監察御史縉嘗上封事萬餘言皆人
 所不敢言者帝嘉納之○二十二年正月帝念諸將老詔
 各還故里以全之○二十三年五月賜韓國公李善長死
 解縉爭之不克先是有告善長黨胡惟庸者帝未究會
 星變其占為木臣災帝疑之時大殺京民
 之怨逆者善長請免其○詔求仙人張三丰不得得其徒
 黨數人帝大怒遂賜死

懿太
文子

廿玄清拜太常卿三手又名道邊人有以問仙術竟不一
 問經書則津津不絕口一啖數斗辟穀
數月自若也隆冬臥雪中如常○帝曰常取古鏡自照多失真冶工曰摸
 型不正故也朕聞之惕然人君一心為天下型一不正百
 度乖矣可不慎乎○南豐典史馮堅上言九事帝奇之起
 擢僉都御史○二十五年四月皇太子薨謚懿文補六月
 西平侯沐英卒英沉毅寡言笑好賢禮士在滇百務具舉
 帝嘗曰使吾高枕無南顧憂者英之功也追封黔寧王子
 春晟昂相繼鎮雲南補九月時朝廷訪求通曉曆數推往
 知來者山東監生周敬心上疏其略曰國祚脩短在德厚
 薄非曆數可定陛下但當脩德則皇祚可傳萬世何必問
 諸小技之人耶又曰陛下連年遠征臣民萬口一辭皆知

增補元明史田卷之二

仁人君乃
之寶玉
非寶

徵方
孝孺

為恥不得其傳國寶欲取之耳臣聞傳國寶出自戰國楚
平王時以卞和所得之玉琢之秦始皇秘之名曰御璽自
是以來歷代珍之遂有是名易曰聖人之大寶曰位何以
守位曰仁是知仁乃人君之寶玉璽非寶也且戰國之君
趙先得寶而國不守五代之君皆得寶皆不旋踵而亡蓋
徒知玉璽之為寶不知仁義之為寶故也天下治安享國
長久者莫如三代三代之時未有玉璽是知有天下者在
仁義不在此璽亦明矣今為取寶使兵革數動軍民困苦
是忽真正之木寶而易無用之小寶也疏奏帝頗納其言
自是北征之議稍息○徵寧海人方孝孺至帝曰異人也
吾不能用留為子孫光輔乃除漢中教授○十月帝病甚

藍玉
伏誅

不聽
婦人言

諸醫不效俄有稱周顛仙遣人進藥服之即愈○二十六
年二月涼國公藍玉謀不軌伏誅坐其黨數萬人
妻射從和累功至大將軍素不學性復狠愎恃功暴橫初
胡惟庸之畔有稱玉與謀者帝以其功大宥不問至是意
望進爵帝命加太傅玉攘袂曰我不當為太師耶及奏事
帝不從玉懼退曰上疑我矣遂謀反密召其部曲謀殺
集士卒及家奴伏甲將為變為錦衣衛士將獻上告捕訊
伏誅列侯已下連坐者數百人家國初功臣坐胡藍二黨
夷滅○八月詔褒異浦江鄭氏鄭氏十世同居里人王氏
效之帝擢二家子弟為左右春坊嘗問鄭濂治家之道對
曰不聽婦人言而已○青州江伯兒以母病殺子禱之有
司以聞帝曰倘使絕嗣反為不孝自今人子遇親疾剝肝
割股亦聽所為但不在旌表之例○有獻道書帝曰朕所
需者致治之書耳却之○補二十七年八月賜潁國公傅友

北齊書卷之二十一

大賚 天下 致仕 武臣 齊邊 數

德死。友德身冒百死。自偏裨至大將。每戰必先士卒。以故
所至立功。二十五年。友德請懷遠田千畝。帝不悅。曰。祿賜
不薄矣。復侵民利。何居爾。不聞公儀休事耶。及是竟賜死。
未幾。定遠侯王弼亦賜死。二十八年二月。賜宋國公馮
勝死。帝春秋高。多猜忌。勝功最多。數以細故失帝意。遂賜
死。諸子皆不得嗣。二十九。年二月。燕王棟帥師巡邊。敗
元兵於徹徹兒山。又追敗之於兀良哈禿城而還。九月。
大賚天下。致仕武臣。諭之曰。爾諸將臣。從朕平禍亂。勤勞
備至。朕思起兵時。與爾等皆少壯。今皆老矣。久不相見。心
恒思之。故召爾等。所賜薄物。以資養老。撫教子孫。以終天
年。諸臣皆感激叩首謝。有墮淚者。三十一年正月。帝問

將姓

黃子澄 泰進 漢平 七國 事 燕王 威名

兵部尚書齊泰邊將姓名。泰悉數無遺。問諸藩圖籍。遂出
諸袖中。帝大奇之。五月。帝崩。年七十有一。
帝神武明
連科敵如神
不吝官賞。諸將奉命成功。十五年之間。遂能
成帝業。禮樂制度。事物防範。靡不備具矣。皇太孫允炆
立。

建文皇帝名允炆。太祖孫懿文子也。
初懿文太子薨。為皇太孫。至是即位。

○六月。召漢中教授方孝儒為侍講。○諸王憑叔父之尊
多不遜。太常卿黃子澄。兵部尚書齊泰。進漢平七國事。帝
從之。廢周王。幽代王。繫岷王。齊王為庶人。獨湘王以謀逆
伏誅。而諸王騷動。
初。太祖建都金陵。去邊塞六七千里。
北虜時出沒塞下。捕殺吏卒。以故命北
邊諸王。得專制國中。提兵防禦。地大權重。多不法。帝為皇
太孫。問所以制之于黃子澄。對以漢平七國事。至是
遂用。其謀。
○燕王威名獨盛。密為練兵。朝廷深備之。燕王覺。乃

曾甫元月史各卷之二

盛

托疾大暑向火爐搖頭曰寒甚寒甚朝廷聞之始不為備

補以一部右侍郎張昂為北平布政使謝貴張信為都指揮使察伺燕王陰事又遣都督宋忠率兵三萬又選調燕府護衛精銳隸忠麾下屯開

階勲悉倣周禮更定又換禮制頒行天下然無濟實事徒

為燕王藉口○癸感守心四川岳池教諭程濟言北方兵

變帝囚之○術士袁珙善相時相帝謂害氣在西西方人

宜防之僧道衍荐之燕王王溷入軍士往酒肆珙一見跪

曰殿下何輕行乎王大駭珙曰殿下龍顏鳳姿他日太平

天子鬚過于臍即登寶位初道行在嵩山寺珙知其必相

後傳語云辨宰相于嵩山佛寺識真主於長安酒家補建

燕王舉兵

文元年七月燕王舉兵反先是帝遣侍郎暴昭等充採訪

袁珙善相

燕王上書靖兵難

使分巡天下昭至北平得燕不法狀密以聞已而燕山護

衛百戶倪諒告變下詔讓燕王逮王府僚屬都指揮使謝

貴北平布政使張昂等部署軍士布列九門守之燕王密

與僧道衍計令張玉朱能潛納勇士八百人守衛給貴昂

入執殺之張玉等率勇士奪九門燕府長史葛誠護衛指

揮盧振初皆與昂貴謀誅燕王至是並遇害夷其族燕王

乃舉兵以誅齊泰黃子澄清君側為名○燕王上書其略

云高皇帝艱難百戰以有天下期傳之萬世不幸奸臣齊

泰黃子澄輩假陛下之威權剪王家之枝葉不數月而五

王見削臣守藩于燕奉法惟謹迫言臣謀不軌奸臣之心

恐不止害臣譬伐大樹先剪其枝親藩夷滅社稷危矣其

燕王
奪太

兵號靖難。效周公輔成王故事。書至。帝愕然。命曹國公李景隆帥大軍北征。燕王聞之。曰。李九江。景隆九。豎子耳。寡謀而驕。其今之趙括乎。燕王自署官屬。令張玉。朱能等出師。尋陷薊州。奪居庸關。通州。遵化。永平。密雲。懷來。諸守將皆以城降。說則燕王。角藉以長興。及耿炳文。為征虜大將軍。命諸將分道進。八月。炳文次真定。進及燕。兵戰於潭河。大敗。喪師三萬。副將李堅等皆被執。退保真定。朝廷聞炳文敗。使景隆代之。收集炳文將卒。并調諸路兵五十萬進。營河間。時諸將吳高等方圍永平。燕王語諸將曰。吾在此。景隆必不敢進。不若往援永平。以救其師。兵高快不取。戰聞我至。必走。是我一舉解永平圍。而破景隆也。遂援永平。吳高棄輜重走。山海關。景隆知燕兵出。果引軍趣北平。直薄城下。燕世子高熾堅守不戰。時燕王既解永平圍。乘勝抵城下。城中兵鼓譟出。內外夾攻。景隆軍敗績。奔德州。**補**十月。燕王誘執寧王。奪其眾。寧王名權。國太寧。為巨鎮。兵皆驍勇。善戰。燕兵起。朝廷慮寧王與燕合。召寧王至京師。寧王不至。坐削護衛。燕王聞之。喜。單騎

入太寧。詭言窮蹙。求救。執寧王。手大慟。求代草表謝罪。而陰令吏士結部長及諸戍卒。及辭去。寧王祖之。郊外伏兵擁寧王。行。燕王遂奪其兵。軍威大張。太寧城為空。**○**十二月。罷齊泰。黃子澄。謝燕王。二人雖罷。退隱。○二年。四月。李景隆退。駐德州。復合大軍進戰。矢石如雨。燕王馬三易。三被創。急走。登壇。會旋風。折大將旗。我兵大亂。燕兵乘風縱火。我軍死者三十餘萬。時大軍六十萬。列陣白溝河上。燕王率將士馳入陣中。奮力搏戰。王以三騎宵遁。明日再戰。復大敗。燕王三易馬。矢盡。却燕再戰。能父子及諸將俞通淵等俱死。大軍敗績。景隆復奔德州。**○**漢陽知縣王叔英遇旱。遂自絕食。禱曰。必雨。乃食果。**補**五月。燕兵乘勝進攻德州。未至。景隆先奔。燕兵入城。

王省
死節

得糧儲百餘萬石勢益張○燕兵掠濟陽教諭王省陞明
倫堂伐鼓聚諸生曰堂名明倫今日之倫何在相嚮大哭
遂觸柱死補李景隆往濟南依之燕王帥精騎馳擊之于
城下景隆復大敗單騎南走帝召景隆還朝赦不誅黃子
澄請正其罪以謝天下不聽于澄拊膺曰大事去矣薦景
隆誤國萬死不足贖罪○燕兵攻濟南山東參政鐵鉉陞
守屢敗燕兵補鉉陞都督盛庸誓以死守燕王命其下
降伏勇士開門候燕王入用板下之既而軍士失約燕王
未入城板驟下燕王驚走歸營大懼以礮擊城持破鉉書
高皇帝神牌懸城上燕兵不敢擊燕兵圍濟南三月不能
破鉉與庸乘夜出兵掩擊燕衆大敗解圍去鉉等乘勝復
德○詔諸將無使朕有殺叔父名燕王聞之每戰不利輒
挺身而前諸將莫敢加刃○十二月燕兵攻東昌大敗北

兩日
乃昌

歸王不悅道衍曰吾向云每日必克但不利者兩日乃昌

字也補先是燕王襲常州取之自長蘆渡河至德州遣人

越汶上至濟寧庸與參政鉉屯兵東昌以邀之燕王率

其將朱能帥番騎來救燕王乃潰圍出以百騎補二年正

走庸乘勝擒斬萬餘人燕兵大敗遂還北平

月帝以東昌捷告太廟復齊泰黃子澄官如故○三月山

東都督盛庸與燕軍大戰自辰達未不分勝負忽北風起

塵埃漲天我軍大敗補燕王將輕騎來掠陣遂庸遣騎

追之斬其將譚淵燕軍大挫○安陸侯吳傑大戰燕兵燕

王所建旗矢集如蝟毛忽大風我軍乃潰王送所建旗北

歸示世子補時吳傑都督平安等自嘉定軍來會聞盛

河南大敗殺傷五衆補四月燕兵次于太名帝聞庸軍

安亦遂敗走入真定

各卷之二

敗大懼詔竄齊泰黃子澄於外燕王聞之乃上書請罷盛庸吳傑平安兵帝以問方孝孺孝孺曰燕兵久頓大名大暑雨當不戰自疲今與報書往返踰月使彼得士心解且命諸將攻北平彼必歸救我大兵躡其後可成擒也帝久為然遣使赦燕罪令罷兵歸藩燕王不奉詔未幾諸將分兵斷燕餉道燕王患之復上書伸前請帝將許之孝孺曰兵罷不可復聚願毋為所惑帝乃下其使於獄以絕燕補六月官軍駐德州資糧皆道徐沛燕王遣將李遠以輕兵六千詐為官軍袍鎧由濟寧至沛焚糧艘數萬河水盡熱魚鼈皆浮死盛庸遣都督袁宇帥兵三萬追之為遠伏兵所敗補七月燕兵掠彰德陷林縣都督平安在真定度北

燕王大舉南犯

姚善入援

平空虛攻之不利引還時大同守將房昭亦窺北平燕王擊破其兵遂勒兵還北平補十二月燕王大舉南犯燕王起兵三年親戰陣冒矢石屢瀕於危所陷城邑兵卒復為朝廷守故不敢決意南下時帝御中官甚嚴皆怨望遂密告燕以京師空虛可取狀燕王慨然曰頻年用兵何時已乎當臨江一決不復返顧矣遂大出兵明年春連陷山東州郡補四年正月命魏國公徐輝祖帥師禦燕兵於山東補燕兵攻沛縣知縣顏伯璋令其子歸養遂自縊其子不忍歸抱父屍哭死主簿典史為之感亦俱死補三月薊州知府姚善入援善治薊州多惠政尤能下賢嘗謁錢抃抃曰若民也義不取見請俟月朔會于學宮善如期迎抃實

經若曰此經生務耳公有官守何不談時勢因出一簡授善而太閱之皆今日守禦之策補四月燕王軍小河都督何福擊敗之斬其將陣文平安轉戰至北阪幾獲燕王番騎王騏躍入陣掖燕王去適徐輝祖來會戰於齊眉山斬其將李斌時王師再捷燕人大懼會帝聞訛言謂燕兵已北召輝祖還福軍遂孤補五月何福移營靈壁欲持久老燕帥而糧運為燕所阻平安分兵往迎燕王帥精銳橫擊福開壁往援俱敗走燕師盡獲其糧餉是夜福下令曰明日聞三礮即空圍出就糧于淮河明日燕兵猝薄壘發三礮福軍誤為已礮急趨門燕兵乘之遂大亂人馬墜壕壘俱滿福單騎走安等三十七人皆被執盛庸獨引軍而南

燕兵漸逼京師震動

列戰艦淮南岸燕兵自上流潛濟盡奪之遂渡淮下泗州盱眙乘勝陷揚州補六月燕兵漸逼京師震動方孝孺曰事急矣莫若割地求和以俟四方勤王之師燕王不從羣臣勸帝幸泚惟孝孺力主守金陵燕兵至城李景隆等開門迎附獨衛尉紀善周是脩等數十人死之須臾官中火起帝變服削髮自御溝出遁去初大祖傳位于帝知其不至是啟之得度牒并披剃之具遂削髮出走燕王入官誤認帝屍葬以天子禮補都城陷官中火起帝不知所終燕王遣中使出后苑於火詭曰帝死越八日用侍中王景彰言以天子禮葬之不立廟蓋世止稱為建文帝至燕王自立即皇帝位隆武元年追諡恭簡惠皇帝補燕王自立即皇帝位

成祖文皇帝名棣太祖第四子補建文四年六月都城陷進於是即位

時年四十二補六月削魏國公徐輝祖爵輝祖當燕師渡

孝孺不詔死 孺草不至

暴昭

江猶引兵力戰京師陷諸武臣咸迎附勸進輝祖獨不屈
 削爵幽私第○方孝孺被執不屈乃衰經入見哀聲徹殿
 陛帝曰予初心欲倣周公輔成王耳對曰成王安在帝曰
 彼自死也對曰獨不可輔其子乎帝曰先生母大苦此吾
 家事耳因授筆草即位詔孝孺擲于地哭且詈復強之乃
 大書燕賊篡位四字帝大怒命夷九族親故坐死者八百
 餘人每誅一人必令孝孺視之而孝孺終不變孝孺擲筆於地且
 哭且罵曰死即死耳詔不可草帝大聲曰汝不顧九族乎
 孝孺曰便十族奈我何帝大怒大收其朋友門生盡殺之
 以充補齊泰黃子澄亦至帝親詰之抗辯不屈遂與孝孺
 同磔於市坐罵死者百餘人○翰林脩撰王叔英書絕命
 詞生既久矣愧無補于當時死亦徒然無憾于後世與其妻俱縊○尚書暴昭斷

陳迪

鐵鉉

姚善

其手足罵不絕口死之○尚書陳迪割其子鼻令食之迪
 死不變補族誅兵部尚書鐵鉉初燕兵渡江鉉屯淮上師
 亦潰至是執之至反背坐廷中令其一甲顧終不可遂磔
 於市○執蘇州知府姚善至厲聲不屈殺之其友給事中
 黃鉉聞而赴水死按靖難兵起所殺不下數百萬人劉基言殺運未除此之謂歟○七月
 命革除建文年號以今年為洪武三十五年明年為永樂
 元年建文中更改諸法一復舊制被兵州縣復徭役三年
 蠲天下今年田租之半○九月大封功臣爵賞有差以淇
 國公壯福第一○初御史尹昌隆疏云彼既有輔成王之
 語不便反口當許之入朝萬一不虞亦可避藩至是帝欲
 殺之得其奏乃免補帝得建文時羣臣奏疏命焚之因語

周是
修死
難終
解終
不終
景清
死忠

帝
無
患
得
無
患

侍臣曰爾等宜皆有之。脩撰李貫曰寔未有帝曰貫以未
有為美耶食其祿無一言可乎貫惶愧。○初解縉與周是
修約赴難後縉變節是修死縉為作傳因語其子曰使吾
亦死誰為汝父作傳識者笑之。○左僉都御史景清和建
文出亡竊懷輿後事覺伏誅剝皮草檣之係于長安帝駕
過之忽索斷行三少為犯駕狀。清早朝衣縉懷
帝坐甚急帝故疑清及朝搜得所藏刃詰責
之清奮起曰欲為故主報讐耳遂決誅之
永樂元年
正月詔復周齊代岷四王爵子舊封。○二月改北平為順
天府置北京。帝徙寧王於南昌初寧王被誘入關也帝許
以事成中分天下及即位留之京師時大寧廢已無可
歸乃乞改南土請蘇州及錢塘皆不許封之南昌已而有

姚廣
孝為
少師

誣告寧王巫蠱狀者寧王聞之日韜晦構精廬一區讀書
鼓琴其間終帝之世得無患。○八月發流罪以下墾北京
田又徙直隸蘇州等十郡浙江等九省富民實北京。○
年四月立子高燾為皇太子封高煦為漢王高燾為趙王
帝初起兵高煦常從戰有功帝喜以為類已高煦亦以此
自負謀奪嫡及議建儲淇國公邱福等言高煦有功宜立
帝召翰林學士解縉黃淮等問之皆稱皇長子仁孝天下
歸心好聖孫謂宣宗也帝意乃決。○以僧道衍為少師復
姓姚賜名廣孝廣孝終不蓄髮娶妻居止仍在寺觀。○八
月周王獲騶虞以獻外國麒麟白象畢至羣臣稱賀。太平
○十一月山西民有言介休縣多美石請採之帝曰此

曾補九月各卷

李景隆
伏誅

石飢不可食寒不可衣累民何為○曹國公李景隆不法當誅曰陛下非臣開門寧有今日乎帝曰幸是朕來若他人汝亦開門耶景隆語塞乃誅○帝欲宥罪人死或請誅之帝曰天不以惡木廢發生君豈以惡人廢矜恤乎補四年四月詔求遺書補營北京宮殿至十八年冬始成補八月齊王榑有罪廢為庶人榑性凶暴復國後益驕縱帝賜書戒之不悛五月榑入朝廷臣劾奏榑厲聲曰奸臣喋喋又欲效建文時耶會盡斬此輩帝聞之怒留之京邸削官屬護衛及是召其子至並為庶人○甲回進玉碗帝曰朕所用惟磁器耳却之○山東野蚕成繭羣臣稱賀帝曰繭即徧山東不過衣被一方耳朕心必以天下無寒方足賀

野蚕
成繭

破安
南兵

也補十二月新城侯張輔西平侯沐晟等大破安南兵初建文中其臣黎季犛弑國王陳日焜及其子顯寔篡其位既而傳之於子蒼自稱太上皇朝廷不知也帝初踐祚蒼遣使奉表朝貢詭言安南主陳氏絕嗣臣為眾所推乞賜封爵帝從其請明年前國王孫陳天平來奔懇其實請復讐乃遣使詰責蒼卑辭謝罪請迎天平歸國帝信之遣黃中呂毅等以兵納天平於安南蒼伏兵劫殺天平帝大怒七月命張輔等討之安南有東西二都依宜洮沱富良四江為固新築城於多邦隘連亘九百里輔軍次富良江遣將破賊於喜林江遂進攻多邦城夜四鼓令軍士人持炬火銅角越重濠雲梯傳其城士蟻附而上角鳴萬炬齊

增補元明中各卷之二

三十一

舉遂入城賊驅象迎戰輔以画獅蒙馬衝之翼以神機火
 器象皆反走賊大潰遂克東都別將李彬克西都三江州
 縣皆望風降補 甌寧王允熙卒建文帝弟三人吳王允燧
 衡王允燧徐王允熙帝即位後廢允燧允燧為庶人改封
 允熙為甌寧王至是邠中火王暴卒補 五年二月謫翰林
 學士解縉為廣西參議縉建議立太子語稍稍傳外庭高
 煦深怨之縉縉洩禁中語帝怒遷出縉補 三月命西僧哈
 立麻設法薦皇考妣而天花甘露白鶴空中備現妙相帝
 自是潛心釋教補 五月張輔等克安南會黎季犛及其子
 蒼檻送京師安南平論功進張輔為英國公沐晟為黔國
 公餘賞賜有差乃置交趾布政司以尚書黃福領之補 六

平安南

生擗花柏

年三月臣有賀擗柏生花帝曰邇年水旱為災匿不以聞
 乃一擗柏之花喋喋稱瑞耶遂黜補 七年二月帝幸北京
 留皇太子監國補 命吏部尚書養義兵部尚書金忠右
 春坊大學士黃淮左諭德楊士奇輔之補
 給事中郭驥使鞞鞞為所殺先是鞞鞞知院阿魯台殺可
 汗鬼力赤迎立元族本雅失里為可汗帝以書諭之不聽
 命至是復遣驥本雅失里殺之補 八年二月帝自將征鞞
 鞞命戶部尚書夏原吉輔皇長孫瞻基留守北京自帥眾
 五十萬出塞補 五月車駕至臚胸河本雅失里聞之懼欲
 與阿魯台俱西阿魯台不從眾潰散本雅失里西奔阿魯
 台東奔帝追及幹難河本雅失里拒戰帝麾兵奮擊大敗
 之本雅失里棄輜重以七騎遁遂移師征阿魯台阿魯台

周新異政

冷面公寒錄

乞降帝察其詐令諸將嚴陣以待虜果悉眾來犯帝躬率
 精騎衝擊阿魯台大敗遠遁帝乃還北京補八月寧遠侯
 何福自殺福太祖時宿將建文四年與盛庸平安會兵伐
 燕戰淮北不利輒奔還帝即位命鎮寧夏甘肅委寄甚重
 及是後征還都御史陳瑛劾其怨望福懼自縊死○南海
 人周新多異政嘗一人挾千金夜歸恐為寇害置石下
妻有外合也覈之果然蓋其夫至擢御史京師號冷面寒
其者避之空聞其故先往取之也鐵公後被誣見殺嘆曰生為直臣死亦直鬼何憾乎帝尋
 悟悼曰廣東有此好人吾誤殺之矣補九年二月都御史
 陳瑛以罪誅瑛性殘忍專以搏擊為能帝寵任之益務深
 刻傾陷不可勝計寃聲徹天至是帝始聞其諸不法狀下

黃淮如立高岡元且日食

獄死天下快之補十一月立長孫瞻基為皇太孫○阿魯
 台入貢請女直吐蕃諸部合為約束朝臣多詐之黃淮曰
 此狼子野心使各為心則易制若併為一則難圖矣帝曰
 黃淮如立高岡無遠不見諸人如處平地所見惟目前耳
 乃不許○十年元且日食諭德楊士奇請免朝賀曰昔
 宋仁宗元且食富弼請罷宴不從弼曰萬一契丹行之為
 中國羞後從契丹回者言契丹果罷宴仁宗悔之陛下生
 貽悔乎乃從請補七月封阿魯台為和寧王先是封蒙古
 部落瓦剌馬哈木為順寧王歲朝貢阿魯台遣使奏馬哈
 木殺本雅失里擅立其族答里巴為可汗專政請發兵討
 賊願率所部為前鋒故有是命馬哈木怨朝貢不至○

二年二月馬哈木擁兵飲馬河將入犯而揚言襲阿魯台
 開平守將以聞下詔親征補三月帝發北京皇太孫從補
 六月車駕至忽蘭忽失温馬哈木等三部埽境來戰帝親
 率鐵騎馳擊大破之斬其酋長十餘人部衆數千追至土
 刺河馬哈木等夜遁帝欲窮追皇太孫請及時班師從之
 乃還北京補九月帝親征還太子遣使迎稍緩帝入高煦
 譖悉徵東宮官屬下獄黃淮楊士奇楊溥金問皆坐繫持
 宥士奇復職補十一月命翰林學士胡黃等修五經四書
 及宋儒性理諸書補十三年正月廣西參議解縉下獄死
 縉以論事忤旨論交亂開帝北幸補罷海運帝初建北京
 潛返見皇太子帝怒其擅歸故殺補罷海運帝初建北京
 河海兼運海運險遠多失亡而河運則由江淮達陽武陸

羅海運

輓百七十里入衛河民苦其勞九年命工部尚書宋禮浚
 會通河會通河故元運道由濟寧達臨清今年開浚既成
 民免陸輓之勞糧運便利於是罷海運補十四年正月發
 粟一百二十八萬賑北京河南山東饑補三月阿魯台敗
 瓦剌來獻捷補禮部尚書呂震請封禪不許曰昔魏徵以
 堯舜望太宗而止封禪爾乃屢朕子太宗下乎補十五年
 三月漢王高煦謀不軌楊士奇曰彼知陛下都北意欲在
 南耳帝怒慶之山東補高煦初封雲南已而改封青州皆
 募兵三千人繼使劫掠及僭用乘輿器物帝盡得其不法
 數十事召至切責之將廢為庶人皇太子泣力救乃削
 兩麓備慶州補帝幸北京擇日建宮殿卿雲瑞彩彌滿殿
 庭有金水河水凝龍鳳之狀補七月有進金丹及方書帝

曾補記明史卷之二

妖唐兒
婦賽為
亂

曰秦皇漢武下生為方士所欺乃欲欺朕耶命毀之○十
六年五月大學士胡廣卒其在官乎專事阿諛有密投詩
其家曰漢朝胡廣號中庸今日中庸又見公補十八年二
月蒲臺妖婦唐賽兒以幻術聚眾據益都卸石柵為亂攻
下莒即墨圍安邱山東大震詔安遠侯柳升總兵往勦升
意輕賊賊乞降信之夜為所襲都指揮劉忠中流矢死比
明升始覺賽兒已遁別賊攻安邱益急都指揮衛青方屯
海上聞之帥千騎晝夜馳抵城下再戰大敗之斬馘六千
餘人鰲山指揮王真亦殲賊於諸城賊遂平而賽兒卒不
獲升忌青功推辱之詔徵升下獄已得釋○十月呂皇太
子於南京太子過鄒縣入民舍見其坐釜傾毀惻然曰民

隱不上聞至此乎賜之鈔因切責其有司○十九年元旦

御新殿

北京經營既成定都於此

改

○禮部尚書呂震

語太子曰殿下在南多為中使所譏宜罪之太子曰過豈

吾所無幸上不之信我何較耶補四月奉天華蓋謹身三

殿災補十一月帝將大舉北征詔戶部尚書夏原吉兵部

尚書方賓刑部尚書吳中等議皆以為兵不當出帝不憚

呂原吉問邊儲多寡對曰比年師出無功軍儲上喪八九

災青迭作內外俱疲乞遣將往征勿勞車駕帝怒立命原

吉出視開平糧儲而吳中入對亦同帝益怒下原吉及中

於獄賓懼自經死補二十年正月帝自將征阿魯台初阿

魯台為瓦剌所敗窮蹙南竄帝納而封之數年生聚繁富

黃等不伏
嚴謀軌誅

浸桀驁拘留朝使出沒塞下為寇至是大入興和殺都指
揮王琰帝於是決策親征神七月大軍至開平謀報阿魯
台攻萬全諸將請分兵還擊帝曰詐也彼慮吾搗巢欲以
此牽制我疾驅之太軍次殺胡原阿魯台盡棄輜重遁去
命發兵焚之帝謂諸將曰阿魯台敢悖逆恃兀良哈為羽
翼也當移師剪之遂簡步騎二萬五道並進擊敗之乃還
京師○二十一年五月內使黃嚴等推趙主高燧為主而
謀不利○帝車覺伏誅因鞠高燧賴太子救免帝近疾
多不視朝
趙護衛指揮孟賢與宦官黃嚴備上高以正等相結造偽
語謀進毒於帝從中下詔廢太子而高燧以正語其甥
王瑜瑜上變帝之捕賢等鞠之得實帝顧高燧曰汝為之
取高燧戰慄不能言太子力解之曰此下人所為高燧必
不與知乃得免
賢等皆伏誅
○二十二年阿魯台寇邊四月帝親征七

月還師蒼崖不豫明日遂崩楊榮等秘不發喪密馳訃太
子太子慟哭幾絕乃遣太孫迎之皇太子即位

仁宗昭皇帝名高熾成祖子○八月成祖訃至禮部尚書
呂震請從漢制以日易月不可自是臨朝素服退則衰經

補釋戶部尚書夏原吉大學士黃淮等於獄復其官○賜
大學士楊士奇楊榮金幼收養義各銀圖書一篆曰紀愆

糾謬帝諭曰凡政事有關失或羣臣言之而朕未從或
卿等之言朕有不從悉用此印密奏以聞其毋憚於
再三
補九月始置南京守備以襄城伯李隆為之兼領中
軍都督府事補十月立子瞻基為皇太子立諸子皆王之

○洪熙元年正月楊士奇力言馬政呂震等交爭之內批
久不下○士奇曰內批豈忘之特眾口誣卿朕念卿孤立

清浦七月...

孤奇楊士

救黨文救甚之救黨文救甚之救黨文救甚之

其初之明史田卷之二

三十九

恐為衆所傷故少緩之若出朕意也今後凡令有不便幸
 密言于朕士奇曰陛下知臣臣不孤矣○三月大理少卿
 弋謙敢言呂震劾其賣直乃貶楊士奇曰進言者將以言
 為戒矣自是月餘果無一言帝曰士奇真大臣也乃下詔
 自責因復謙官○赦建文奸黨除誹謗令○四月山東飢
 詔免稅楊士奇請聞戶部帝曰救民之窮甚於救焚使聞
 有司必慮國用不足持不決之議按帝從善如流改過不
 高宗匹儔也乃命皇太子往南京謁祭孝陵因留南京
 監國○帝明于星象忽夜見星變召楊士奇等語曰天命
 盡矣乃嘆息而起明日復語曰朕監國十餘年被讒艱危
 吾三人揚士奇塞義夏原吉共之朕去世後孰知卿等之雅各賜印

賜忠貞印

漢高反

一象曰忠貞帝泣然三人亦流涕○五月帝不豫召太子
 於南京未至而崩皇太子即位

宣宗章皇帝名瞻堪仁宗子補六月命楊溥楊士奇等同

治內閣事○宣德元年八月漢王高煦反帝親征平之

高煦從國樂益怨望日夜造軍器籍丁壯為兵厚養通
 逃及無賴子弟奪官民畜馬立五軍指揮授王賦朱恒木
 師尚書等官約山東都指揮靳榮為助期先取濟南然後
 犯關復遣人入京約共圖公張輔為內應輔即縛其人以
 聞帝遣中官侯泰賜書高煦高煦引泰觀其軍馬兵器曰
 所以能行天下可也爾歸報兩王速執送奸臣然後議
 所欲耳泰歸不敢言越數日高煦又遣使奏索多謀奸臣
 以夏原吉為罪首帝夜為諸大臣入議揚榮首勸帝親征
 帝難之榮曰彼謂陛下新立必不自行故敢爾以大威臨
 之無不濟臣請先驅原吉力贊之帝意決遂發京師
 食兼行駐蹕樂安城北高煦聞帝親征大懼帝以勅射城
 中諭禍福高煦請降願假令夕決妻子帝許之高煦夜焚
 兵器及通逆又書味爽出見乃械羣臣請移師執趙王坐
 高煦父子及倡謀者數人赴京師

增補元明史卷之二

三十九

何忠
死節

以連謀之罪。楊士奇獨不可。曰：誣以連謀，何能服人？且文廟三子，惟趙王在聽。羣議而剪本枝，竊為陛下不取也。乃言者喋喋，士奇請壘書併封羣臣疏，示趙王。王喜曰：吾生矣。即自削其護衛，以謝。補九月，帝還京師，廢高煦為庶人。王斌等皆伏誅，以預謀誅死者甚多。高煦及諸子相繼死。○平州知州何忠為交趾黎利所執，賜之飲，忠罵曰：吾天朝臣子，豈食犬彘之食，奪杯擲虜而流血，遂遇害。帝聞旌其門。○二年二月，帝賜楊士奇等五人金圖書各一。士奇曰：清方貞靖，賽義曰：忠厚寬弘。夏原吉曰：含弘貞清。楊榮曰：方直剛正。胡濙曰：清和恭靖。補十一月，罷交趾布政司。成祖初平安南，置交趾布政司，未幾交趾復亂，叛服無常。

永樂十六年，陳氏故官黎利乘機作亂，朝廷遣將討之，不能靖。賊勢益熾，帝即位，命成山侯王通討之。至應平，遇伏大敗，軍皆陷沒。通被創走，懼賊甚陰，與利盟誓，約返師。至是，黎利奉安南陳王三世孫暠求續封，帝密示其國公張輔。輔曰：此出黎利之譎，不可從。當益發兵誅此賊耳。賽義、夏原吉皆言不宜示賊以弱。楊士奇、楊榮言：兵興以來，天下無寧歲，發兵之說不可從。不若因其請而與之，可轉禍為福。帝曰：汝兩人言合吾意，遂冊封陳暠為安南國王。諭通及三司官盡撤軍民北還，罷征南兵。詔未至，通等已棄交趾還。官吏軍民為賊所殺及拘留者不可勝計。於是下通等於獄，論死，籍其家。○十一月，皇后胡氏讓位居別院。

增補

薛瑄
道學

北齊書曰史臣卷之二
以孫貴妃為后張太后宣宗憐其賢每會仍命居孫后之
右孫貴妃生子祁鑾立為太子貴妃遂正位中宮○帝語講官曰伯夷太公皆
歸文王及武王伐紂一輔之一諫之何講官窮于對帝曰
伯夷之心在萬世太公之心在當時也○監察御史薛瑄
初長于詩賦及見周程張朱之書曰此道學正脉也遂焚
其所作詩賦而專事道學至是拜御史三楊士奇稱嘆不已曰薛公見
瑄曰某忝糾劾之任義無相識三楊稱嘆不已曰薛公見
且不得况得屈乎○三年九月北虜入寇帝即日親征虜
出不意遂一鼓而下車駕時巡邊次石門驛聞石良哈萬餘人入塞即帥師擊敗之○
五年正月少保戶部尚書夏原吉卒原吉德量寬慎嘗一
隸汚所服衣懼甚原吉曰可浣無懼嘗閱獄再四吁嘻華

筆死
生下

不得下曰吾筆一下死生決矣嘗夜過禁門大雪侍者請
無下馬曰君子不以冥冥失節其寬仁敬慎類如此○八
月朔日當食以雨不見禮部尚書胡濙請賀帝曰君子之
過如日月之食過也人皆見之今以雨不見得非朕有隱
過歟况雨蔽有限京師不見四方能無見乎何得稱賀○
蘓州太守况鐘至郡初若木訥凡吏胥文書悉允之但默
記其事如是者月餘而羣奸悉得一夕集吏胥大聲言某
日某人某弊衆大駭遂立斃數人自是肅然補六年六月
安南黎利遣使奉表謝罪詭言曷死陳氏絕帝心知其妄
置之不問封利為安南國王自後朝貢不絕○七月帝夜
行至揚士奇宅士奇曰陛下何自輕萬一變起倉卒奈何

帝夜
行宅

曾補元月史臣卷之二

士定
法取

明日帝問士奇如何不謝對曰車駕夜出臣恐漏之故不敢謝後有盜謀不軌欲乘帝夜行發事覺帝嘆曰士奇言不虛遂止夜行○下詔求賢親制猗蘭操及招隱詩賜羣臣猗蘭操曰蘭生幽谷兮曄曄其芳賢人在野兮其道則光嗟蘭之茂兮與眾草為伍於乎賢人兮汝其予輔

○定取士法帝曰南人長於文而多浮北人拙于文而多寔令南北分卷並擢又曰每見少年登第多恃才毒民令後年二十五以上始應舉○七年六月修天下府州縣倉積穀多者萬餘石少者四五千石遇水旱以貸貧民蓋遵洪武舊制也○帝登萬壽山嘆曰此元故都也使順帝能守先法天下豈為我有補八年三月致仕少保黃淮辭歸國帝宴餞于西苑太液池製詩送之賜傘織衣一襲淮歸

王擅大威
振權作福

刻諸石作奎文亭覆之補九年九月帝巡邊至洗馬林閱武而還○十年正月帝崩皇太子方九歲羣臣欲擇長君揚士奇楊榮入臨畢請見太子即呼萬歲而羣議乃息揚

當主少國疑之日而能定大謀以安社稷無忝大臣之道矣

其宗睿皇帝名祁鎮宣宗長子補宣宗遺詔國家重事自聽政者太后不可朝廷有大政太后令補○正月少師吏部尚書蹇義卒義性謙約歷事五朝與時浮沈蓋唐之蘇模稜宋之三旨宰相也補二月封弟祁玉為郟王○內使王振擅權大作威福帝每稱老先生不名補振教惡多智事初寔用事帝為太子朝夕侍左右補揚士奇楊榮楊溥三人右及即位命掌司禮監寵任之補○正統元年正月開經筵○

曾補元月各卷之三

四十一

建文帝
至文
佛曰
老號

二月應天府尹廣楚為兵部左侍郎楚初為陝西按察副
使有聲嘗以俸易一紅襖寄歸父父曰此子不才若斯乃
以不義汚我也遂封還貽書責之楚泣受其教繼為府尹
益勵其操補九月安南國王黎利死子麟嗣○二年張太
后一日御便殿召張輔楊士奇楊榮楊溥胡濙語帝曰五
人先帝任用之臣汝所行非決計于彼不可因宣王振責
其不律欲誅帝跪為之請不果○五年七月初建文帝潛
遁由湖湘入蜀以抵雲間最後僧于廣西之壽佛寺忽一
日思恩知縣岑瑛出行道遇一僧自稱建文帝曰今老矣
願送骸骨歸瑛大駭送至京號曰老佛湖中登云流落江
湖四十秋歸來不
覺雪盈頭乾坤有限家何在江漢無情水自流長樂宮中
雲影暗昭陽殿裏雨聲愁新蒲細柳年年綠野老不聲哭

未
當時舊臣無下人在獨太監吳亮認知遂迎入西內後

以壽終葬西山不封不或云有僧自雲南至廣西詭稱
建文帝思恩知府岑瑛聞於朝按問乃鉤州人揚行祥年
已九十餘下機閱四月死同謀僧十二人皆戍邊詔贈
東自後漢賧巴蜀間相傳有帝為僧時往來跡

建文死難諸臣各祀于鄉○十一月張太后崩語楊士奇
曰我有十二事未行建文之號宜復孝孺之禁宜開禁人
孫書者斬太后性明敏人謂女中竟舜委用

振專擅侍講劉球上言十事振怒命支解其體球不為辨
但曰死訴太祖耳自是莫敢言振已時張太后上僊楊榮
已歿士奇以疾不出溥

一人賞事亦年老勢孤繼登用者皆委靡不能自振於是
內閣之柄悉為王振所據生殺與奪盡在其手遂殺諫臣
劉球去大臣之不附已者舉朝皆以

大用乃召為大理少卿瑄至令詣王振瑄曰安有受爵公
薛瑄
不詣
王振

朝拜恩私門耶振不悅欲處以死賴羣臣救免○祭酒李時勉守正不阿王振矯旨掘國學門諸生數千誣闕乃釋

補十一月宣宗廢后胡氏卒初張太后閔后賢而見廢后居清寧宮善遇之太后崩后痛哭踰年亦殂用嬪御禮葬金山補九年三月少師楊士奇卒謚文貞補八月勅諸將嚴邊備先是瓦剌太師脫歡殺阿魯台併吞諸部勢寔強盛脫歡死子也先嗣益橫屢犯塞北邊多事於是此命

補監察御史李儼值王振不跪遂下獄已而謫之補十一月二月少保楊溥卒謚文定○王振怒河南西山巡撫子謙嗾言官劾之議降居民萬餘赴闕訴乃免○十三年七月福建沙縣民鄧茂七反稱閩王烏合至數十萬雲南等

北虜大同

地叛天下一時騷動○十四年二月北虜二千人入貢報作三千王振怒其詐斬一人自是失好大舉入寇○六月南京宮殿災明日殿基上生一棘踰夜高二尺許○熒惑入斗侍講徐理覘知不祥令其妻南遷曰禍不遠矣妻有難色理曰汝欲為韜子婦耶○七月北虜也先寇大同所至無不陷沒邊報如電王振挾帝親征命郕王居守羣臣力諫不從一時得兵雖五十餘萬而事出草次糧餉不給僵屍滿道虜佯開避待我軍深入四面重圍擊殺殆盡

軍五十餘萬人出居庸關至宣府風雨大至邊報益急羣臣交章請留王振終不聞車駕至大同振尚欲北行郭敬

密止之始班師也先襲軍後次日營上木掘井一文餘不

得水人馬饑渴也先遣使請和帝許之虜佯退振遽令移營四面隊前行列已亂虜大舉振等皆死英國公張輔尚書鄭

虜兵擁去帝

此種之日史冊卷之二

四十五

楚等數百人死之虜兵擁帝以去而器械輜重盡為虜得報至京師大震皇太后遣使詣虜贖駕弗許乃集百官議立郕王祁鈺畢羣臣憤殺王振黨指揮馬順頃刻薙粉郕王懼欲退還宮兵部侍郎于謙直前止之請詔族王振家以安人心詔下羣臣哭謝國事始寧

景皇帝名祁鈺英宗弟初封郕王英宗北狩皇太子幼冲皇太后命王即位○九

月遥尊正統帝為上皇○虜擁上皇至大同城索金幣約

還駕都督郭登都督郭子與子不納衆或勸之曰虜給我也且受

命守城不敢擅啟隨侍校尉袁彬以頭觸門大呼于是不

得已括城中銀萬餘兩贖駕虜咲擁而去○虜有欲害上

大蟒遠護

皇夜至帳下見大蟒遠護畏怖而退自是虜益加禮○兵

金其卓興見

部尚書于謙曰虜今得志必有輕中國深入之意宜募四方民兵兼徙郭外居民入處內地毋為所掠城外倉糧不可捐為寇資悉令在官員役散領准作月糧○十月虜以送上皇還為名直入紫荆關朝野洶洶人無固志太監金其興安召廷臣決計侍講徐理言天象當南遷其叱之獨于謙言一動則太勢盡太宋南渡可鑒也遂大聲曰敢言遷者斬羣議乃定陳建曰我國家幾危復安雖于石二公之力亦由其安卓見烏得以官者少之○虜迫京城武清伯石亨接戰相當虜知有備少沮既而王師四至我軍大振虜復擁上皇去○上皇在虜夜占天象指示隨侍校尉袁彬曰天意有在我當終歸虜以女娶上皇上皇誑曰天子無野合姑待朕歸以禮聘入虜悅

增補元明史卷之二

四十六

成敗在天
不在臣節

北史卷之二
愈加敬禮。○總兵郭登以孤軍守大同危疑益壯嘗曰成敗在天不負為臣之節既而以數百騎死戰而虜遁補瓦刺脫脫不花遣使入貢時瓦刺君臣鼎立也先專國兵最多脫脫不花雖為可汗兵較少知院阿刺兵又少三人外親內疎其合衆南犯利多歸也先而害則均受至是可汗遣使來貢帝從禮部尚書胡濙吏部尚書王直等議厚賞賜以間之。○十一月以虜既退京城解嚴羣臣議留邊將守京兵科給事中葉盛曰今日之事邊關為急往者獨石馬營不棄六師何以陷土木紫荆白羊不破虜騎何自薄都城苟邊關不固雖保九門無益也悉遣還。○景泰元年正月罷朝賀以上皇在瓦刺也補三月北虜復分道入寇

上皇
至京

時邊將禦敵互有殺傷寧夏慶陽朔州被殺掠甚衆補五月也先寇宣府都督朱謙與參將紀廣力戰却之也先由是氣沮。○六月虜稍厭兵遣使議還上皇羣臣許之帝不悅于謙曰大位已定但迎還以弭邊患耳乃遣右都御史楊善至虜迎之虜曰有何禮物來迎善曰送還天子圖垂名萬世豈利財物乎虜衆欣然羅拜而別京師聞上皇四皆雀躍。○千戶遂榮請帝避位帝怒下榮獄中秒日上皇至先遣人言于帝曰登極非我願矣帝始出迎相持而哭送上皇歸南城宮補十一月禮部尚書胡濙請令百官賀上皇生日及明年正月百官朝上皇於延安門皆不許。○二十年正月度僧道五萬餘于謙上言今四方多流徙之民

銀豆歌

有脚城

三邊缺戰守之士度僧太多恐乖本末帝不省○帝頗事
 聲色奢侈以金銀豆擲地令官人爭拾供樂編脩揚守陳
 賦銀豆歌譏之補其辭曰尚方承詔出九重治銀為豆
 御手親將十餘把琅玕亂灑金階下萬顆珠錢走土盤
 天雨霽鼓鴛瓦中官踈拾多盈袖金甯半壁羅裳
 天顏一笑惟拜賜歸來坐清書閣知昨日六宮中
 袖承春風黃金作豆鏡拾得羊車不至愁別有銀
 薄如葉并刀磨碎盈月匣也隨銀豆灑金階滿地春
 五蠹君不見民食木皮和草根夢想豆食如八珍官
 采無銀羅採穀畫作清中塵明主由來愛一蠶安邦
 只在恤窮民願將銀豆三千粒活取林骸百萬人○三
 年正月兵部侍郎李賢論備邊以車制為首號曰有脚城
 其制車每長丈五高六尺外蒙以鐵內藏其人上開小
 下開銃眼得車千數周圍相射不得入箭不得傷敵至
 則發砲箭去倣軒轅破蚩尤陣法以練兵其法如井田制
 則移以逐之○五月廢上皇太子見深初上皇已為沂王
 陣相翼孔明

金共薦薛

治河決

而立帝子見濟為太子初帝欲易儲恐臣下不從特進京
 官各下秩復密啖諸大臣以余時有滿朝皆太保悉皆緘
 口獨尚書王直給事中李侃洒泣求退○太監金共奉使
 至南南中官屬無不趨奉獨薛瑄不往共曰南京好官獨
 薛公耳還京遂薦陞大理卿○帝初欲易太子一日語金
 共曰七月二日東宮生辰也共若不解其意對曰東宮生
 辰是十一月二日也帝怫然共此料與魏徵敵陵之
 年十月以左諭德徐有貞治河決有貞初名理以議南遷
 為帝所鄙大臣累薦不用時河決為患已七年前後治者
 皆無功有貞上三策一置水門一開支河一濬運河議既
 定乃治之開濬五百餘日而功成自是山東河患少息○

曾補元月史略卷之三

五年五月皇太子見濟卒禮部章綸監察御史鍾同並奏
 宜復之沂王帝大怒命錦衣衛鞫以炮烙之刑幾絕會有
 天變緩其刑得不死○杖鍾同章綸同死綸復魁進士揚
 集上書兵部尚書于謙曰公等國家柱石乃戀官僚之賞
 不思所以善後乎二人死杖下而公坐享崇高如清議何
 謙以示大學士王文文曰此書生未諳朝法耳○給事中
 吳江密言于帝曰羣臣多望上皇復位沂王還宮願陛下
 預為之所須高增南城數尺以鐵鎔錮其門帝怒謫戍致
 嶺衛補十月也先為阿剌所殺先是也先弑脫脫不花併
 其部落自立稱田盛可汗阿剌求為太師不許且殺其二
 子呵刺怒率眾攻也先殺之未幾斃韃靼部于來復殺阿剌

劉儼主試

石亨迎皇

求脫脫不花子麻兒立之號小王子自是韃靼勢復熾○
 七年于謙薦兵部侍郎王偉未幾偉密奏謙過帝方信謙
 以奏示之謙袖所奏歸偉迎問曰今日聖諭何事謙咲示
 偉曰吾有短處子當面言之何至此○大學士劉儼主順
 天試時內閣陳循子瑛王文子倫俱下第循等論儼不公
 請復開場帝不得已特欽賜瑛倫舉人一時異之○八年
 正月帝不豫時儲位未定廷臣請立太子武清侯石亨知
 帝必不起乃與副都御史徐有貞內使曹吉祥等謀迎上
 皇復位夜半遂薄南城毀門而入掖上皇登輿出時羣臣
 方早朝會議儲事忽聞呼譟至殿相顧失色須臾有貞出
 號於眾曰太上皇帝復位矣趣入賀羣臣遂賀

按景泰之廢見深與

正統之後即位是皆以得國為念兄弟之間有市行矣亦
幸正統正月復位景泰二月隨崩耳萬一景泰病痊不知
石亨諸人何以處此

英宗睿皇帝為太上皇七年至是復位改元天順大赦天下
補論迎復功進封石亨為忠國公以徐有貞為兵部尚
書入內閣典機務餘賞賜有差○下于謙王文等獄誣以
謀立外藩汰司勘奏無跡可按石亨曰彼意欲如此矣及
廷鞫王文力辯謙惟默然但曰亨等意已如此辯之何益
帝以謙有功未忍加刑徐有貞曰不殺于謙今日之事何
名遂殺謙等而籍其家凡亨等有隙者無不入其羅織按
外漢王文雖有此意然尚未發至于絕未與聞竟
附會成獄惜哉嗚意欲二字即秦檜莫須有三字也
二月廢景泰帝仍為郕王遷之西內未幾而薨葬祭如

于誣殺謙

以成化一年改謚為景皇帝修飾陵寢石亨等請革除其年號帝曰吾不忍

也**補**以吏部侍郎李賢入內閣預機務**補**三月復立沂王

見深為皇太子**補**石亨曹吉祥等恃功漸恣橫徐有貞為

曹石所引用既得志則思自異窺帝意厭二人乃稍稍裁

抑之亨吉祥不能平數毀有貞於帝遂下獄并逮繫李賢

時有以匿名書毀斥朝政者亨吉祥奏此有貞怨望所為

乃命拷掠之無所得亨吉祥恐其復用誣以謀逆當棄市

詔徙金齒為民後亨敗乃赦還**補**六月禮部侍郎薛瑄致

仕瑄在閣數月見石亨等用事歎曰君子見幾而作寧俟

終日遂致仕去**補**七月復以李賢入內閣賢既貶未行吏

部尚書王翱奏賢可大用遂復命為吏部尚書入閣石亨

增補七月史略卷之三十一

五十一

釋建庶人

權日重。軋賢賢深自匿。非宣召不入。而帝益親賢。○八月。帝預制。帝頷之。石曹遂矯旨。譴正。○十月初。太后聞殺于謙。力言。謙功。帝已悔之。至是。藉兵部尚書陳汝言。貨貝無算。帝嘆曰。于謙久宦。向籍其家。無他蓄。今汝言所聚。乃爾。帝益悟。謙冤。而惡石曹矣。○二年正月。釋建庶人文圭。文圭。建文太子也。成祖幽置之京師。歸。為建庶人。至是。帝憫之。欲出居鳳陽。吏部尚書李賢曰。陛下此心。太祖在天之靈。寔式臨之。或云。不可。帝曰。有天命者。任為之。遂出居鳳陽。聽其婚娶。未幾卒。建文無後。○庶人擊時方十七。出見牛。亦不能識。○四月。會昌侯孫繼宗弟太后造店專民利。

王私者

石亨謀不軌

一奪之何可訓

帝惡而毀之。李賢曰。真王者不私矣。○五月。徵處士吳汝弼。至。授以諭德。固辭。詰其意。曰。初。以伊傅聘。今授若職。故不受也。按處士他日。跌石亨。族譜則自林為門下。嗚呼。以諭德為小。而不屑為。顧感權奸之薦。而甘為門下。士可謂悖矣。○三年十月。石亨謀不軌。下獄死。亨貪恣。日甚。謂悖矣。○三年十月。石亨謀不軌。下獄死。納亨賈。不次遷。擢中外。將帥多出其門。子姪。厮養。勢熾。煇灼。天下寒心。而亨恬不知戒。日燕見。參預政事。所請。或不從。即輒然見於辭色。帝不能堪。以語李賢。賢曰。惟獨銜。乃可。人君之權。不可下移矣。帝以為然。亨以大同人馬。半京師。預命。從子。處治之。死獄中。鬼棄市。由亨得官者。悉黜免。○帝念石亨奪門迎駕之功。李賢曰。陛下復位。寔天與人歸。如景帝不諱。羣臣誰不願請。門何必奪。且內府之門。何可奪。而奪之一字。亦何可訓也。然幸陛下洪福。事得濟耳。萬一景帝左右先知之。亨輩固不足惜。不知置陛下何地乎。帝曰。然。補四

增補之明史略卷之二

五十一

年八月韃靼字來入寇直至代朔竹諸州肆掠遣都督顏
彪率師禦之虜乃去補五年四月大明一統志成○七月

曹吉祥
伏誅

太監曹吉祥及其養子欽作亂事覺伏誅祥不始誅吉

異謀養子欽凶暴殺入為御史所劾下詔按之偏論羣臣

欽大懼遂與吉祥謀不軌欲擁兵入幽帝于南宮而立皇

太子吉祥居中應之先夕集腹心欽指揮馬亮恐事敗逃

出上變帝即收吉祥勅皇城及京師諸門俟勿啟欽知事

泄夜攻長安門不得入賊往來呼門外時懷寧伯孫鏜

西征字來師未發急召其軍三千人擊之欽走東安門

天漸曙其黨稍散欽率數騎奔歸家鏜督諸軍大呼入

欽投井死其家無大小盡誅之帝出吉祥與欽尸同磔於

市諸役逆者皆伏 **補**河決開封城中水深丈餘死者不可

勝計○六年三月知蘓州林鶚請易孔廟像為木主或詆

毀侮聖賢鶚曰塑像自西夷佛教始孔子生佛未入中國

之前烏識所謂像哉况像則長短豐瘠不一其狀褻聖不

已甚乎補五月都督僉事顏彪破兩廣徭自元年春大藤

峽徭為亂兩廣苗獍蠻起廣西殘燬殆遍前年帝命彪為

總兵官討之彪會兩廣兵攻破七百餘寨駐軍大藤峽進

擊龍山直抵潯格所向皆捷○七年二月空中若有聲李

賢曰無形有聲謂之鼓妖此上不恤民所致也因條陳十

事以進帝從其半半未從者賢爭之數四然帝深知賢終

不以為忤賢在內閣輔政知無不忠言帝能○八月下指

鼓妖

命以
勿妃
殉葬

下達誣以罪速治之有漆匠楊暄擊登聞鼓以進論救甚力帝令門達勘問達逼暄供稱李賢主使欲併陷之暄佯應曰可但我言於此無人証見不若會法司鞫如我對衆言之李閣老始不能辭矣達以為然暄至午門大聲曰死則死耳何敢枉以此門指揮逼我也達失色計沮彬遂得從輕調南京暄亦得免○八年正月帝不豫命內使牛玉代書四事其三命勿以妃嬪殉葬李賢曰真盛德事也即此一事尤高出千古矣按官人殉葬即太祖以來皆然共廟真仁聖也哉○帝崩補帝初即位十四年北征隨虜還為太上皇七年復位補世故以故土振得以擅權誤國天下幾及北狩踰年而歸於是艱難險阻備嘗之矣人之情偽悉知之矣暨復登大寶遂躬親政務屏遠權奸精明之治先於相考方之正統中大徑庭矣皇太子即位

憲宗純皇帝名見深其宗第一子○帝孝事兩宮從李賢

議尊錢后為慈懿皇太后周氏帝生母為皇太后補二月

都指揮門達有罪下獄謫戍廣西卒死謫所召袁彬復舊

職○七月立皇后吳氏未幾廢之立妃王氏為皇后補帝

宮時萬貴妃已擅寵吳后既立摘其過杖之帝怒廢居別宮貴妃寵冠後宮王后處之澹如也○成

化元年二月赦故少保于謙子冕戍回籍冕上疏訟父冤

帝憫之復其秩補御史趙故言于謙等為石身輩誣陷榜

一人保守其功甚鉅○秋韃韃寇延綏虜衆甚盛初韃韃

入寇自遼東寧夏去來無常為患不久不敢深入順間

有阿羅出者率屬潛居河套遂逼近西邊河套古朔方地

唐張仁愿築三受降城處也地在黃河南自寧夏至偏頭

河套
廣惠

翰材四諫

關延袤二千里。饒水草。至是。字來與小王子毛里孩等先
 後繼至。抄掠延綏。無虛時矣。補二年三月。湖廣靖州等苗
 為患。巡撫王儉不能討。乃命總兵李震。震督諸將。南銅鼓
 大柱諸境。分道入破。八百餘寨。補五月。李賢丁父憂。詔奪
 情起復。脩撰羅倫力言其不可。賢怒。謫倫提舉。按賢晚年
 以賄聞。每
 銜言官之劾。何而截人物乎。蓋倫之謫。陳文憲主之。後賢
 死。倫復秩適文亦死。人以詩挽文云。九泉若遇南陽李。為
 道羅君已復補十二年。太學士李賢卒。贈太師。謚文達。官蓋譏之也。

三年十二月。以明年上元。張燈命詞臣撰詩詞進奉。翰林
 院編修章懋。黃仲昭。莊杲同疏言。今川廣未靖。遼左多虞。
 三楚豫章赤地千里。正陛下宵旰焦勞之日。不宜更耽宴
 樂。帝怒。杖之時。以懋等與羅倫同。號翰林四諫。補四年。萬

貴妃有寵。兄弟皆官。朝士羣趨其門。學士萬安認為同宗
 附之。補十月。御史林誠以劾兵部尚書高輅。輅曰。臣寔
 有以致此。願陛下容之。以開言路。乃復誠職。補五年。以萬
 安入內閣。預機務。萬性外寬而深中。無學術。惟日事請托。
 結宦官為內援。朝臣無問賢不肖。惟有內援者則揚用之。
補六年七月。皇子生於西內。即孝宗母紀氏。時萬貴妃專
 寵而妬。後宮有娠者皆墮之。知紀氏娠。恚甚。令婢鈎治之。
 婢謬報曰。病瘡。乃謫居安樂堂。久之。皇子生。使門監張敏
 溺焉。敏驚曰。上未有子。奈何棄之。稍哺粉餌。飽之。他
 室。貴妃日伺無所得。補七年。十一月。太學士高輅請面議
 時。文臣不得面聖。帝許之。內使誑輅曰。初見姑。勿言。恐情
 惟令內使傳旨。

未字也。輅然之。及面聖唯唯呼萬歲而已。臣多言君臣否

隔宜時召大臣議政大學士彭時高輅力請比見時言天

變可畏帝曰已知卿等宜盡心時又言昨御史有疏請減

呼萬歲欲出不得已皆叩頭退安與中官相表裏為之也

內使退。詔朝臣曰。曾何奇謀。乃請面議。自是力請不允。

時傳笑。謂之萬歲閣老。蓋為內使誑也。補立皇子祐極為

皇太子。萬貴妃所生也。尋患痘疹薨。補立皇子祐極為

又陝西有犬如牛。○八年二月。程萬里言。套虜據中華腹

心之患也。宜乘不備搗其巢穴。破之必矣。帝不允。復奪之

萬里繼於曾銳而兩見阻 補 十一年五月。召皇子祐。擢於

西內。立為皇太子。母紀氏暴卒。人謂萬貴妃鳩之。補 十二

見黑青

年七月。黑青見。有物金睛。修尾。狀如犬狸。負黑氣。夜入

家。至則人昏迷。遍城驚擾。○十三年正月。帝立西廠。以刺

民利害官屬賢否。令內使汪直主其事。而直恣肆莫制。補

直故木藤峽。獐種也。獐賊平。直以幼男入禁中。為邸德宮

內使遷御馬監。為人黠。請帝寵之。於是領西廠之事。勢大

振。屢興大獄。冤死者相屬。自諸王府。遠鎮及南北河道。所

在。校尉羅列民間。鬻雞狗。瑣事。輒置重法。人情大擾。有

司畏其威。高輅書直十罪。帝乃罷廠。未幾御史戴縉王越

奏復之。四方聞者莫不唾罵。縉越。補 六月。兵部尚書項忠

倡九卿劾汪直橫恣。直啣之。搆忠下獄。任為民。於是兩京

大臣免者數十人。士大夫俛首事直矣。○十四年三月。南

京翰林院脩撰致仕羅倫卒。倫耿直不避。於富貴濬如也。

休致。歸貧無為食。有客晨至。留飯。其妻曰。瓶米罄矣。于之

鄰人。比舉火。日已近午。倫曠然不以為意。○帝賜太子五

羅倫

高輅
汪直
十罪

莊覃吉曰天下山河皆其有何莊為乃止

覃吉東宮內官也朝夕侍本

子口授四書章句及古今政典天下民情農桑軍務以至

富者專權蠹國情弊悉直言之曰吾老矣安望富貴但得

天下有賢主足矣 ○十五年六月委汪直巡邊所至院道無不屈

膝相迎獨兵部左侍郎馬文升不為禮直誣以罪謫戍○

蒯祥木工也以建南北宮殿有寵累官侍郎時人奇之○

帝欲易儲以泰山震乃止○十六年冬汪直欲邀邊功陞

爵乘胡人入寇督兵擒其數級遂以大捷聞其黨悉進封

○十七年湖廣蠻久難平都院王信至諭以大義蠻皆誓

類拜服信居官多清嘗曰不以侈累子孫所遺多矣○十

八年秋陳獻章授翰林檢討俾歸終養往師吳汝弼杜門

陳獻章
靜杜門

木蒯工
侍祥

阿丑
詼諧

著書本也學者稱白沙先生○汪直橫暴中外結舌有肉

使阿丑善詼諧下日於帝前作酒醕令一人佯曰駕至醕

如故復曰汪太監來乃驚起帖然一人又佯曰何駕至不

懼而懼汪太監也曰吾止知有汪太監耳帝悟自是直寵

漸衰尋削職天下快之○降直南 ○時保國公朱永治兵

私第阿丑作儒生吟詩曰六千兵散楚歌聲傍一人曰乃

八千丑曰彼二千在保國公家帝乃削其兵○時朝政多

溷阿丑于帝前作吏部掄選狀得一人問其姓名曰姓公

名論主者曰公論如今用不得又得一人問其姓名曰姓

公名道主者曰公道如今亦難用最後得一人問其姓名

曰姓糊名塗主者曰糊塗如今儘去得帝聞之大笑

增補元明史略卷之二

九年六月鞮鞞小王子率兵三萬寇大同殺掠人畜數萬
 總兵許寧禦之敗績十六年汪直掩擊虜眾於威寧海破
 之虜深怨之尔後數入寇邊患無虛時矣○劉大夏隴原
 官辭曰固吾所欲但吾做秀才時見府縣事不平輒曰使
 我做時當何如今幸登第不得一親民官做非素志也○
 二十年發內帑金數十萬建佛寺刑部員外郎林俊力爭
 之下獄會太星晝見墜下如蛇聲如雷乃復俊秩僧先是
 者始以法術欺誑人寅緣內使梁芳等引入禁中帝尊為
 法王賜美珠十餘金寶不可勝紀至是折毀民居勸建佛
 寺補二十一年正月江西人李孜省以符水得幸授太常
 寺○二十二年春兵部尚書王恕以直諫貶工部主事王
 純救之下純獄時朝臣多隱默故有紙糊十月內閣臣

王直諫

君子三惜

萬安劉吉彭華尹直等並加太子少保四人俱姦邪小人
 輔朝政識老嘆之補擢浙江參政夏寅為山東右布政使
 寅性聰異嘗語座客曰君子有三惜此生不學一可惜也
 此日間過二可惜也此身一敗三可惜也當時為名言補
 二十三年正月萬貴妃卒服用器物窮極僭擬四方進奉
 異物皆歸之父兄弟姪皆授都督指揮千百戶等官至是
 卒帝震悼輟朝七日補二月以李孜省為禮部右侍郎益
 作威福縉紳進退多出其口補八月帝崩皇太子即位

增補元明史略卷之二

